

RIJKSARCHIEF GENT

ALGEMEEN FAMILIEFONDS

INVENTARIS NUMMER 372

CARTULARIUM VAN GHELIAN SEEGBERS VAN YDEGHEM

1500-1583

DIGITALE FOTOGRAFIE

TEUN VAN DER VORM

BEWERKING DOOR

ANTHONIUS VAN DER TUIJN

TE RHOON

Voor eventuele vragen, opmerkingen en verbeteringen (anthonius@alice.nl).



Als u gegevens uit deze bewerking gebruikt voor genealogische of historische doeleinden, dient een verwijzing naar deze bewerking vermeld te worden. Bij gebruikmaking van gegevens uit deze bewerking ten behoeve van publicaties, in welke vorm dan ook, moet een adequate bronvermelding naar deze bewerking worden vermeld.

Op foto gezet de inhoudsopgave en akten over Naaldwijk en Zoeterwoude.

Dit bouck hoort toe joncheer Johan Seeghers van Ydegem heere van Wassenhoven ende Amaers, schiltcape, docter in beijden rechten, woenende int Scravenhage int Voorhout naest Preckheeren closters anno 1587.

Dit leenbouck hoort toe honckheer Guilain Seeghers van Ydeghem ende van Wassenhoven, casteleijn ende baliu vande stadt ende landen van (Purmerende?) woenende op casteel van (Purmerende?). Anno duijsent vijfhondert tachtich geërvert hebbende als outsten zoon van Zijmon heere vaeder joncheer Johan Seeghers van Ydeghem heere van Wassenhoven ende Amers, schiltcaepe.

Inde hoepe gerust.

Was getekend: G. Wassenhove.

Taeffele van dezen navolgenden register.

Inden eersten coop gedaen bij Anthonis Gram tot behouff van Anthonis Gram de jonghe zijnen zoone ende dat van den goeden hour heerlicheide van Wassenhoven gelegen inde graeffcepe van Aelst inde prochie van Leeuwerghem ende Grooten Berghe ende wert te leene gehouden van den huijse ende heerlicheijt van Zotteghem folio 1.

Chizographe van den coop gedaen bij Mr. Gohelam Zeeghers raedt ordinaris der keijserlijcke majesteijt in Hollant van den huijse, goeden ende heerlicheide van Wassenhoven leen van Zotteghem, bij hem gecocht van Anthonis Gram de oude folio 4.

Chartre waerbij thujs, hoff ende heerlicheide van Wassenhoven int hueren toebehoort en opgedraghen wert bij den oude Anthonis Gram tot behouf van meester Ghelain Zeeghers raedt des keijzers in Hollant ende dat voor den stedehouder, bailliu ende leenmannen den heerlicheijt van Zotteghem, stuurstierende den voirsz. Mr. Ghelaim alls erfheere vanden voirsz. huijse ende goeden folio 6.

Chartre vande vier leenen behoorende totte huijse, hove ende heerlicheide van Wassenhove ende werdden te leene gehouden van Sinte Goericx Oudenhove, opgedragen bijden ouden Anthonis Gram tot prouffite van Mr. Ghelain Zeeghers raedt des keijzers in Hollant. Ende dat voordien bailliu ende mannen van leene vanden huijse van Sinte Goericx Oudenhoven voirsz. stuurstierende den voirn. Mr. Ghelain Zeeghersz. folio 7.

Extract vuyten leenboucke van den Hove van Zotteghem waeraff tvoirsz. huijs ende heerlicheijt te leene of ontfanghen wordt, specificerende ende verclarende die leenen gehouden vanden huijse van Wassenhoven, mitsgaders die jurisdictie ende den ombrementen van dien folio 9.

Leenen gehouden vanden huijse van Wassenhove inde prochie van Leeuwerghem ende daer ontrent folio 10.

Leenen gehouden vanden Hove ende heerlicheide van Wassenhoven gelegen inde prochie van Groote Barge inden lande ende heerlicheide van Zotteghem folio eodem.

Ander leen geleghen in diversche plaetsen ende wort te leene ontfanghen vanden Hove ende heerlicheide van Wassenhove folio 11.

Rentebrieff van twee ponden hollants ter losse den penninck zestien, staende op een huijs int Noorteynde inden Haghe, gecocht bij den voorsz. Mr. Ghelain Zeeghers raedt des keijzers van eenen Mr. Aert Huijge zoen folio 13.

Opdrachte ghedaen bij meester Ghelain Zeeghers raedt des keijzers in Hollant etc. van eene losrente van twee ponden hollants tsiaers, staende op een huijs int Noorteynde in den Haghe ende dat voor den leenhove ende mannen der graeflicheijt van Hollants. Van welcken leenhove die voirsz. rente aff ontfanghen wordt folio 14.



Rentebrief van hondert twee ende vijftich carolus ghulden tsiaers, spreekende op de goeden van heeren Cornelis van Berghen bisschop tot Luijdick heer tot Zevenberghen etc. ghecocht bij meester Chelain Zeeghers heer tot Wassenhoven raedt ordinaris in Hollant folio 16.

Acte van condempnatie onder den Hove van Hollandt waer inne Willem van der Crip, Adriaen van Lauelle ende Jan Jans zoen mitte kinderen als macht ende procuratie hebbende van den eerwaerdighen in gode heeren Cornelis van Berghen bisschop tot Luijdick heer tot Zevenberghen etc. gecondempneert werden inde constitutie van een jaerlixte rente van hondert twee ende vijftich carolus guldens tot prouffite van Mr. Chelain Zeeghers heere van Wassenhove raedt des keijzers in zijnen Raede van Hollandt folio 18.

Opdracht vande voirsz. rente van twee ende vijftich carolus guldens, opgedragen bij Willem van der Crip als gemachticht van de eerwaerdighen heere heeren Cornelis van Berghen heere van Zevenbergen etc. den stathoudere ende mannen van leene van Hollandt tot behouff vanden voersz. Mr. Chelain Zeeghers raedt in Hollant die welcke de voersz. rente te leene ontfangende is vande graeflicheijt van Hollandt folio 20.

Voorwaerde vanden coop en accorde eerst geschiet tusschen Philips Salaert ter eenre ende Christoffelss van Groelst ter andere zijde angaende zeecker lant ende hofstede genaemt tHof van Weersroede, geleghen inde prochie van Wolverthem ghecocht bijden voernoemden Christoffel van Groelst folio 24.

Voorwaerde ende coopbrief Jans van Axele als gecocht hebbende thoff te Weersroede, geleghen inde prochie van Wolverthem, teghens eenen Pouwels Parmentier die tselve hoff bij naderscap vercregen heeft tegens Philips Salaert voirn. folio 26.

Ratificatie ende approbatie van den coop voirsz. gedaen bij Jan van Axele teghens eenen Pouwels Parmentier ende dat vanden huijse, landen ende hofstede gelegen te Weersroede in de prochie van Wolverthem. Welcken coop bij den voirn. Janne van Axele sulcx gedaen ende geschiet tot prouffite ende behouf van meester Jheronimus van den Dorpe raedt was des keijzers in zijne majesteijt grooten Raede residerende tot Mechelen des voirsz. Jans oom. Ende gelooft de selve meester Jheronimus den coop bij Janne gedaen te volcommen in aller manieren te houden als vooren gemencioneert es, blickende bijde overdracht tusschen hen beijden gesciet folio 30.

Brieven van waerscappe verleden bij Janne van Axele voer scepenen der stede van Mechelen aengaende thoff ende goeden te Weersroede bijden selven Jan overgedraegen tot prouffite vanden voirsz. Jheronimus van den Dorpe raet des keijzers ende meester vanden requesten, in zijnen grooten Raede tot Mechelen folio 32.

Op drachten ende transport gedaen bij Philips Salaert alias de Doncker van een buendre lants geleghen inde prochie van Londerzele opte vuijthove tot behouff ende proffite Willems vanden Driessche. Ende dit voer schepenen der banck van Londerzele folio 33.

Opdracht ende transport gedaen bij Willem van den Driessche vanden voirn. landen gelegen inde prochie van Londerzele tot behouff ende prouffite van meester Jheronimus van den Dorpe raedt des keijzers in zijnen grooten Raede ende joncvrouwe Katherine Vermeer Lodewijcx zijne huijsvrouwe ende dat voer scepenen ende mannen van den banck des greven van Nassou tot Londerzele folio 35.

Opdracht ende coopbrief van elf dachwant lants genoempt den Timmaert, vercocht ende opgedragen in handen van heere Rommonde Ingelbrecht bij Philips Salaert alias Doncker ende dat voer scepenen mijns heeren des prelaets van Dieleghem in zijne heerlicheijt van Wolverthem folio 36.

Vidimus ende copie auctenticque onder tzegele vanden scepenen des abts van Dieleghem in zijne heerlicheijt van Wolverthem. In welcke vidimus geïnsereert es een procuratie verleden ende gepasseert onder tstats zegele van Mechelen van wegen meester Pieter Ingelbrechtsz. Die welcke inhoudt ende verclaert die coop ende opdracht vande helft van vier buenderen lants off daer ontrent, opgedraghen tot behouf ende prouffit van heer Jheronimus van den Dorp raedt tot Machelen. Welck lant gelegen is inde prochie ende heerlicheijt van Wolverthem folio 38.

Vidimus ende copie auctenticque onder tzegele vanden scepenen des abts van Dieleghem, in welck vidimus geïnsereert es eene procuratie verleden ende gepasseert onder tstats zegele van Mechelen, van weghen Jacob Ingelbrechts de welcke innehoudende ende verclarende es de coop ende opdracht vande helft van vier buenderen lants off daer ontrent, opgedragen tot prouffite ende behouff heeren ende meesteren Jheronimus van den Dorpe voirn. Welc lant geleghen is te Weersroede inde prochie van Wolverthem folio 40.

Vidimus ende copie auctenticque van zeeckere procuratie heeren Jheronimus vanden Dorpe raedt des keijzers in zijnen groeten Raede, waerinne hij constitueert ende machtich maect Willem Pietersz.



zijn procureur. Welcke constitutie ende procuratie geïnsereert es inde brieven ende onder tzege des eerwaerdighen vader in gode ende heere des abts van Dielegem ende es spreekende van een stuck lants twelck die voirn. meester Jheronimus in erfpacht houdende is van den heiligen geest van Londerzele inde heerlijkheit van Wolverthem folio 42.

Brieven van approbatie verleent bijden eerwaerdighen heere in gode den bisscop van Camerick, beroerende den erfpacht van zeecker landt ende beempt toebehoerende den heiligen geest van Londerzele. Welck voirsz. lant in erfpacht genomen heeft vande voirsz. heilige geestmeesters heere ende Mr. Jheronimus van den Dorpe raedt etc. folio 45.

Transport ende overdracht gedaen bij heere ende meester Jheronimus van den Dorpe raedt des keijzers in zijnen grooten Raede van een buendere lants onder Busch ende Winnende lant, gelegen inde prochie van Londerzele ende dat tot behouff van eenen Gielis Staes. Des zoe wort die voirsz. Gielis gehouden den voirsz. meester Jheronimus vrij ende quijte te houden van alsulcken erfrente van vier rins gulden als den heiligen geest van Londerzele spreekende hadde opde goeden vanden voirsz. meester Jheronimus vuyt saecke van zeecker landt den selven terve genomen vanden heiligen geest meesters voirsz. folio 47.

Opdracht ende coop verleden voer meijere ende schepenen des eerwaerdighen vaeders in gode des abts van Dielegem ende gedaen bij Gillis van der Poorten van eenen dachwant boschs leggende te Weersroeder tot behouff van joncvrouwe Loijse van den Dorpe huijsvrouwe meesters Ghelain Zeeghers raedt der keijzers majesteijt in Hollant folio 51.

Brieven van een huijs ende erve staende int voorhout inden Haghe, gecocht bij meester Chelain Zeeghers voirsz. van joncvrouwe Willem vuyten Haghe weduwe wijlen Jans van Zevender, in zijnen leven greffier sHoffs van Hollant. Welck huijs ende erve die voirsz. meester Chelain Zeeghers nu ter tijt besittende is folio 55.

Opdracht ende coopbrieff verleden voordien leenmannen vande heere van Boulaen van een leen groot wezende zeven dachwanden, geleghen inde prochie van IJedeghem in Greijstal onder de heerlijkheit van Boulaen. Ende wort te leene genomen ende ontfanghen vanden voirsz. huijse ende heerlijkheit van Boulaen. Ende is vercocht geweest bij eene joncvrouwe Margriet van Renighensvliete weduwe wijlen Adriaen Slocman ende dat tot behouf ende prouffite van Jan Zeeghers folio 47.

Chartre innehoudende een rente van drie ponden paris, vercocht bij Johan li Hanweve tot IJedeghem tot prouffite ende voerdeele van Leon de Groote burgher ende inwonende van Grammont, geijpoteecqueert op een stuck beempt genoemt de Halle, leggende in de voirn. prochie van IJedeghem folio 59.

Copie ende chizographe in parchemijne spreekende van een dachwant ende thien roeden meersch, gelegen inde prochie van IJedeghem, gecocht ende vercreghen bij Jan de Bootse van IJedegem tegens eenen Joorijs van Biest folio 61.

Copie vande chizographe in parchemijne spreekende op een meersch groot een buendere ende zes en dertich roeden leggende inden dorpe van IJedeghem in de heerlijkheit van Boulaer vercregen ende gecocht van Anthonis vanden Dalen tegens eenen Jan van Anckerborre folio 63.

Copie vande chizographe in parchemijne spreekende van een meersche groot een buendere ende zes en dertich roeden liggende inden dorpe van IJedeghem inde heerlijkheit van Boulaer, gecocht ende vercregen bij Pieter van den Daele van eenen Matheus van den Daele folio 64.

Copie vande chizographe spreekende van den voirsz. meersch de welcke genoemt es den Verbonden Meersch, leggende inden dorpe van IJedegem onder de heerlijkheit van Boulaer, vercregen ende gecocht bij Jan Zeeghers tegens eenen Jan van Daele folio 65.

Copie van de chizographe in parchemijne spreekende op een half bunder lants liggende inde prochie van IJedegem onder die heerlijkheit van Boulaen, vercregen ende gecocht bij eenen Geerijt Zeeghers tegens Jorise van Biest folio 66.

Copie vander chizographe spreekende van een erflijcke rente van neghen schellinghen groote vlaems tsiaers inden dorpe van IJedegem, gecocht bij Pieter Zeeghers teghens Adriane van Mahanden folio 67.

Copie van de chirographe sprekende van een rente van zes ponden paris vlaemscher munte bepant ende geijpoteecqueert op twee bunderen lants liggende inde prochie van IJedeghem, gecocht bij Jan Zeeghers jegens eenen Ghelain van Warenberch, die welcke de voirsz. rente besittende was ter cause van joncvrouwe Josque van IJedeghem folio 68.



Copie in parchemine vande chartre ofte chirographe spreekende vande helft van zeven dachwant meersch liggende inde prochie van Grieneghem, gecocht bij Jan Zeeghers teghens eenen Melchior Stocmans folio 71.

Copie vande chartre ofte chirographe in parchemine sprekende van den coop van eenen dachwant meersch, gelegen in IJedemghen brouck, gecocht bij Pieter Zeeghers tegens eenen Jaime van Heuckem folio 72.

Copie vande chirographe in parchemine spreekende van de coop van een half dachwant meersch geleghen in IJedemgher brouck, gecocht bij Pieter Zeeghers van eenen Gielis de Smit folio 73.

Copie vande chizographe in parchemijne roerende die coep van een wachwant ende halff meersch, geleghen in IJedemgher broeck, gecocht bij Pieter Zeeghers tegens eenen Janne Munshout ende sijn kinderen, mitsgaders teghens de kinderen Sceppers folio 74.

Copie vande chizographe in parchemijne roerende den coep van een derdendeel van eenen dachwant meersch gelegen in IJedemgher brouck, gecocht bij Pieter Zeeghers van eenen Henrick de Coster folio 75.

Copien auctenticque van drie brieven roerende eender renten van twee hondert vijffentwintich carolus guldens tsiaers opten heere ende vrouwe van Gaesbeecke, specialijck veronderpandt op Leeuwerghen ende Gelden folio 76.

Copie auctenticque van assignatie ende ijpotecque vande twee hondert ende vijffentwintich carolus guldens tsiaers op Leeuwberghem ende Gelden, beset, bewesen ende gepasseert bij Peteren van Wanere Meijere van Lellencke als procuratie hebbende vande heere ende vrouwe van Gaesbeecke ende dat voer bailliu ende scepenen van Leeuwerghem folio 78.

Copie auctenticque van zeeckere willighe condempnatie gepronunchieert bij die vanden grooten Raede des keijzers te Mechelen teghens den heere ende vrouwe van Gaesbeecke omme te onderhouden ende te volbrenghe tvoirsz. contract ende constitutie vande voirsz. erfelijcke rente folio 80.

Copie auctentijck van eenen rentebrieff van hondert carolus guldens tsiaers ter losse den penninck zestien opte thienden ende demeynen van Portuigael ende Pernisse. Int speciael ende int generael op alle die demeynen slants van Putte toebehoorende de keijserlijcke majesteijt als grave van Hollant ende heere van Putte folio 91.

Brieven van discharge gepasseert bij Henrick Sterck raet tresorier van den oerden ende rentmeester generael van der finantien des keijzers ende dat tot behouff van meester Ghelhain Zeeghers heere tot Wassenhoven raedt ordinaris in Hollandt nopende die penningen vanden coep der voirsz. losrente van hondert carolus guldens tsiaers van weghen des voirsz. heeren van Wassenhoven geleverd ende bijden voirsz. rentmeester generael ontfanghen folio 95.

Waerscapbrieff gepasseert bij Jeroen van den Tronck voer eene erfelijcke rente van twee hondert vijffentwintich carolus guldens, voer scepenen der stede van Bruessel ten behoeve van Mr. Ghelain Zeeghers heere van Wassenhove etc. folio 85.

Copie van zeeckeren scultbrieff van zestien hondert zeven ende tachtich carolus guldens ende thien stuvers, verleden ende gepasseert bij Claes Claesz. Bruijn voer schout ende gesworens ins Abtsrecht ende dat tot prouffite van Huijch Arentsz. vuyten Haghe, spruijtende ter cause vanden coep van elf merghen anderhalf hondt gestbaerlant, gelegen inden ambochte voirsz. folio 96.

Copie van zeeckeren rentebrieff van twaelf carolus gulden tsiaers gepasseert ende verleden bij Barthelmeeus Vrancken zoen als nasaet ende getrouwt hebbende die weduwe van Claes Claes zoen Bruijn voer schout ende gesworens van den prelaet van Egmont ende dat tot prouffite van Huijch Arents zoen buijerman in sGravenhage folio 98.

Transport ende opdracht vande voirsz. rente van twaelf carolus guldens tsiaers verleden ende gepasseert voer scepenen van den Haghe bijden voirsz. Huijch Aerts zoen ende dat tot prouffite van heere Ghelhain Zeeghers ridder heere tot Wassenhoven etc. folio 102.

Copie van zeeckeren rentebrief van zesendertich carolus guldens tsiaers verzeeckt ende geijpotekeert op skeijzers demeynen gelegen in Putte ende Portugael, generalijcken ende specialijcken op alle die demeynen van Zuijthollant, gecocht bij heeren Ghelhain Zeeghers ridder heere van Wassehoven voirsz. folio 104.

Brieven van discharge dienende opten voirsz. rentebrieff gepasseert bij heeren Henrick Sterck raet tresorier van den oerden ende rentmeester generael van de financien des keijzers. Ende dat tot prouffite vanden voirsz. heeren Guillam Zeeghers folio 108.



Copie van zeeckeren rentebrief van vijftich carolus guldens tsiaers, vercocht bij den eedelen ende waelgeboren heere den prince van Gavere grave van Egmont etc. heeren Guillam Zeeghers ridder heere van Wassenhoven etc., sprecialijcken geijpoteecqueert op die anwassen ende weijlanden geleghen inden lande van Putte in Hollandt, geheeten den Ommeloop van Oude Puttermoer, Troijvelt, Boudekeken, Tielmonde ende die jacht met hueren toebehooren den voirsz. prince toebehoerende folio 109.

Copie auctenticque van zeeckere willighe condemnatie gepasseert voerden Hove van Hollant bijden prince van Gavere grave van Egmont voirsz. dienende op de voirsz. brieven van constitutie ende dat tot prouffite vanden voirsz. Guillian Zeeghers folio 111.

Brieven van verbant ende ijpoteecke gepasseert voer schout ende scepenen van Coernvliet dienen opden voirsz. rentebrief ende dat tot verzeckeringe vanden voirsz. heeren Guillam Zeeghers folio 114.

Copie van zeeckeren bezegelden brieff gepasseert voer Huijghe Huijghe zoen van Swieten schout inden ambocht van Zoeterwoude, sprekende van die helft van drie marghen lants geleghen inden voirsz. ambochte, vercocht bij joncvrouwe Gobberch Gerrijt Heemmans dochter Jacobs weduwij van Naeltwijck eenen Pieter de Grebber zijn erven ende nacomelingen folio 116.

Copie ofte chirographie van zeeckeren rentebrief van drie ponden groete vlaems tsiaers sprekende op die stede van Leijden ende dat tot behouf ende prouffite van Pieter de Grebber ende zijnen nacomelingen folio 117.

Copie ofte chirographie van zeeckeren rentebrief van twee ponden groete vlaems losrenten spreekende op die stede van Leijden. Ende dat tot behouff van Pieter die Grebber zijnen erven ende nacomelinghen folio 121.

Copie ofte chirographie van zeeckeren rentebrief van twee ponden groete tsiaers, spreekende op die stede van Leijden ende dat tot prouffite van joncvrou Alijdt Pieter de Grebbers weduwe hueren erven ende nacomelinghen folio 125.

Copie ofte chirographie van zeeckeren rentebrief van vijftich carolus guldens tsiaers, vercocht bijden eedelen ende welgeboren heere die prince van Gavere grave van Egmont etc. heeren Guillian Zeeghers heere van Wassenhove etc. raedt ordinaris inden Hove van Hollant, sprecialijcken geijpoteecqueert op die anwassen ende weijlanden gelegen inden lande van Putte folio 128.

Brieven van verbant ende ijpoteecke gepasseert voer schout ende scepenen van Geervliet dienende op den voirsz. rentebrief ende dat tot verzeckerheijt vanden voirsz. heeren Guillam Zeeghers folio 132.

Copie auctenticque van zeeckere willighe condemnatie gepasseert voerden Hove van Hollant bijden prince van Gavere grave van Egmont voirsz. dienende op de voirsz. brieven van constitutie folio 133.

Copie ofte chirographie van zeeckeren rentebrief van vijftich carolus guldens tsiaers vercocht bijden eedelen ende welgeboeren heere die grave van Arenberghe vrijheere tot Barbanson heere tot Buissiere etc. ende vrouwe Margriete gravinnen van der Marck ende Arenberge voirsz. heeren Guillian Zeeghers heere van Wassenhoven etc. ridder raedt ordinaris inden Hove van Hollandt, specialijcken geijpoteecqueert op zeeckere landen gelegen in Naeltwijck ende Wateringen den voirsz. grave ende gravinne toebehoorende folio 135.

Brieven van verbant ende ijpoteecke gepasseert voer schout ende scepenen van Naeltwijck ende Wateringhe voirsz. dienen opten zelve rentebrief ende dat tot verzeckerheijt vanden voirsz. heeren Guillian Zeeghers folio 139.

Copie auctenticque van zeeckere willighe condemnatie gepasseert voerden Hove van Hollant bijden grave ende gravinne van Arenberghe voirsz. dienende op de voirsz. brieven van constitutie. Ende dat tot prouffite vanden voirsz. heeren Guillian riddere heere van Wassenhoven etc. folio 141.

Copie ofte chirographie van zeeckere rentebrief van vijftich carolus guldens tsiaers, vercocht bijden eedelen ende welgeboeren heere den grave van Arenberge heeren Guillian Zeeghers heere van Wassenhove, sprecialijcken geijpoteecqueert op zeeckere landen gelegen in Naeltwijck ende Wateringe den voirsz. grave toebehoorende folio 142.

Brieven van verbant ende ijpoteecke gepasseert voer schout ende scepenen van Naeltwijck ende Wateringhe dienende opten voirsz. rentebrief ende dat tot verzeckerheijt vande voirschreven Guillian folio 147.



Folio 116 t/m 116v. d.d. 10-07-1501.

Copie ofte chirographie van zeeckeren besegelden brief gepasseert voer Huijge Huijgen zoen van Swieten schout inde ambochte van Soeterwoude, spreekende van die helft van drie margen lants gelegen inden voirsz. ambochte, vercocht bij joncvrou Gobburch Geerijt Heermansz dochter Jacobs weduwe van Nael(t)wijck eenen Pieter de Grebber ende zijnen nacomelingen. Blijkende bijden inhouden vande voirsz. brieven, hier nae geïncorporeert.

Ick Huijge Huijgen zoen van Swieten schout inden ambochte van Soeterwoude doe cont allen luijden dat voer mij quam joncvrou Gobburch Geerijt Heermans dochter Jacobs wedewij van Naeltwijck mit hoers gecoren voechts handt ende geliede dat zij gecocht heeft Pieter die Grebber die rechte helfte van drie mergen lants, gemender vuer ende gemengeder aerde mit Pieter die Grebber voirsz., gelegen inden ambochte van Soeterwoude. Ende heeft beleggen an die oostzijde heere Willem van Buschuijsen ridder, an die westzijde Pieter die Grebber, an dat noertzijde die Siecken tot Leijden ende an dat zuijt eijnde heere Reijner van Lodesteijn. Ende joncvrouwe Gobburch voirsz. lovede Pieter die Grebber voirn. dit voirsz. lant vrij te waren jaer ende dach alser recht is ende als men vrij lant ende eijgen erve schuldich is te waren gelijcken buerlant inden ambocht daert gelegen is. Voert zoe belijde hoer joncvrou Gobburch voirsz. van dezen coope wel voldaan ende betaelt, den lesten penninck mitten eersten. Hier waeren an ende over alse tuijgen ende buijerluijden IJewout Jansz. ende Henrick Mees zoen. In kennisse der waerheijt zoe heb ick Huijge van Swieten voirsz. mijn segel in tegenwoirdicheijt der tuijghen voirn. an dezen brief gehangen. Int jair ons heeren duijssent vijfhondert ende een opten 10^e dach in julio.

Folio 117 t/m 121v. d.d. 25-12-1513

Copie oft chirographie van zeeckeren rentebrieff van drie ponden groote vlaems tsiaers spreekende op die stede van Leijden ende dat tot behouff van Pieter de Grebber, zijn erven ende nacomelinghen off actie van hem hebbende. Breeder blijkende bij de brieve hier nae geïnsereert.

Wi schout, burgemeesteren, scepenen ende raiden der stede van Leijden doen condt allen luijden die dezen brieff zullen zien off hoeren lezen hoe dat onsen aldergenadichsten heere den Romischen keijser ende onsen geboren erfachtigen here heere Kaerle eertshertoghe van Oostenrijck, prince van Spanguen, grave van Hollant omme te vervallen die groete schulden ende afterwesen daer inne die voerscreven stede geobligeert ende verbonden staet jegens veele ende diversche persoenen, die selve stede geotroijeert, geoorloeft ende geconsenteert hebben omme tot eenen male oft tot meer stonden te moghen belasten ende vercoopen opt gemeen lichaem der voerscreven stede ter somme toe van twee duijssent rijnsche gulden ten prijse van veertich grooten vlaems den ghulden. jaerlix erfelijcke renten te lossen den penninck zestien, of tot vier duijssent der selver gulden jaerlix lijfrenten of beijde te samen erflicke losrenten ende extimatie vanden voirsz. twee duijssent ghuldens erflicke renten tsiaers, maer nijet daer en boven noch vorder. Soe als hemluijden dat best ende bequaem zal wezen om haest tot penninghen te geraecken. Ende dat die selve stede tot verzeeckerhede des coopers der voersz. renten zal moghen belasten ijpoteeckeren, verbinden ende in handen stellen alle der voirsz. stede goeden off enighe van dien hoedanich die zijn, nijet vuytgesondert gelijk dat breeder blijkt bijden selve brieve van octroije, wezende van der daete den neghen ende twintichsten dach van julio int jair ons heeren duijst vijfhondert ende dertien. Soe ist dat wij vuyt crachte vanden selven octroije ende om die redenen wille voirsz. bij raede consent ende goetduncken vander gemeene vroetscap vander voirsz. stede weghe vercocht hebben Pieter die Grebber zijnen erven ende nacomelingen, drie pont groete vlaems tsiaers erflicke renten, te betalen alle jaere tot twee termijnen. Te weeten die een helft tot sinte Jans daghe te midsomer ende die ander helft tot Kersavont of veerthien daghen nae elcken termijn onbegrepen, ende soe voort van termijne te termijne daer naestcomende dese voirsz. renten te betaelen durende tot ewigen daghen. Welcke voirsz. renten wij den voirsz. Pieter de Grebber verzeeckert ende bewijst hebben, verzeekeren ende bewijzen mits desen, te versien ende te verhalen an alzulcke penninghen als dagelicx comen van den voirsz. stede strijckerie. Des zijn voorwaerden dat den ghenen die de voersz. stede stelt ten ontfanghe vanden voirsz. penninghen, oft den ghenen die de zelve strijckerie pachte of huerde, eenen behoerlijcken eedt doen sal dat hij alsulcke penningen van zijn voirsz. ontfanck inhouden zal tot behouff vanden voirsz. Pieter die Grebber, zijnen erven ende nacomelingen ende dat die voirsz. ontfanghen pachter oft huijerman op elck vanden voirsz. termijnen ende inder manieren boven verhaelt den voirsz. Pieter die Grebber wel ende deuchdelick voldoen ende betalen zal mits daer of



nemende behoorlijke quictancie die hij gehouden wert over te leveren der tresorieren der voirsz. stede daer hij alsdan mede jegens der voirsz. stede van den voirsz. penningen ontlust zal wezen. Ende want wij immers willen procederen ter goeder trouwen tot betalinghe vanden voirsz. renten, soe hebben den schout mitten achte schepenen bij raide ende goetduncken vander gemeene vroetschepe eendrachtelicken gekeurt dat van nu voortan ontfangher vander voirsz. strijckerie lieflick ten heiligen sweeren zal die voirsz. renten inden manieren boven verclaert wel ende getrouwelijcken te betaelen. Ende alzo dick ende menichmael als bijden gerechte een ander ontfanger gestelt wordt ofte dat een ander pachter ofte huijzman inden voirsz. ontfanck quame die sal terstont ende eer hij den voirsz. ontfanck aenvaerden zal eenen gelijcken eedt doen ende soe salment voort an hantieren ter tijt toe dat die voersz. stede die voirsz. renten gelost zal hebben. Sijn oock voerwaerden ende is wel voersproecken dat indien ijemant van der gheenen die der voirsz. strijckerie ontfanghet in gebreecke waere die voirsz. rente te ontaelen dat alsdan den schout ende schepenen inder tijt wezende, gehoude zullen wezen den selven ontfangher daer toe te constringeren ende bedwinghen mit alle behoirlijke constructien ende bedwangen naden rechten ende costumen van der voirsz. stede binnen den voirsz. tijt van veerthien daghen nae elcken termijn sonder langer vertreck. Ende inden die schout ende schepenen des nijet en deden ende den voirsz. ontfangher in gebreecke waere vander voirsz. betalinghe dat alsdan die waerdeijns van onser voirsz. stede binnen achte daghen nae dat zij daertoe versocht zijn geenre hande lakenen anden ramen opten paertsen noch andersins waerden, paertsen noch oerdeelen en zullen maer daarmede cesser en ocken op houden ter tijt toe dat die voirsz. ontfangher die voirsz. renten betaelt zal hebben. Twelck oock die waerdeijns die nu zijn ende namaels wezen zullen int aennemen van huerluijder offitie alsoe beloven ende sweeren zullen te doen gelijck vooren gespecificeert staet. Voort sijnt voerwaerden dat die voirsz. Pieter die Grebber zijnen erven ende nacomelinghen dese voirsz. rente zullen moghen transporter en, alieneren ende wech gheven ofte vervreemden wien dat hem belieft, het zij van binnen of van buijten der voersz. stede, sonder dat die voersz. stede daer an hebben of behouden zal enigen voorcoop. Ende oft alzo dat alst of god wil nijet en zal dat die voirsz. renten nijet betaelt en wordden op die voirsz. termijnen of binnen veerthien daghen daerna gelijck voirsz. staet, soe verlijen wij, geloven ende verbinden ons allen gesamenlicher hant ende elcx bijsunder onse lijven ende alle onse goeden alle onse nacomelinghen ende hueren ghoeden, roerende ende onroerende die wij nu hebben ende namaels vercrighen zullen, waer ende waeran die geleghen zijn voer allen rechteren geestelick ende waerlick te nemen, te toenen ende te arresteren om ons alsoe te dwinghen deze voirsz. renten wel ende getrouwelijcken te voldoen. Ende hier toe zoe renuncheren wij ende vertijen voer ons ende voer alle onse nacomelinghen van allen hulpen van premlegien, gratien, letteren ende hulpe van rechten, bejide geestelick ende waerlick. Voert zoe renuncheren wij ende vertijen van allen anderen exeptionen, canillatien of nijeuwe vonden hoemen die dencken, peijnsen of versieren zoude mogen. Belovende ons nijet te behelpen mit brieven van relievementen, staten, respjten, octrijen, acterminationen of gratien hoe die genoempt moghen wezen die ons onse nacomelinghen of der stede te baete zouden moghen comen, in eniger manieren. Noch oock dat wij de selve rente zullen reduceren of doen, reduceren van den penninck zestien tot den penninck achtien of anders, maer sullen die laeten staen sonder te veranderen. Mit zulcke conditie ende voerwaerden dat wij die voirsz. renten zullen moghen lossen tot onser belieften den penninck mit zestien gelijcke penninghen in hooftelde ende mit zulcke verschenen renten als naeden beloop des tijts verschenen zullen wezen als die lossinge gheschiet. Ende want wij vast gestade ende van goeder waerden houden willen alle tgene dat voersz. is, soe hebben wij in kennisse der waarheijt dezen brief bezegelt metter stede grooten seghele van Leijden vuythangende. Gegeven int jaer ons heeren duysent vijfhondert ende derthien opten heiligen Kersavont.

Folio 121 t/m 124v. d.d. 23-06-1514.

Copie ofte chirographe van zeeckeren rentebrieff van twee ponden groote vlaems losrenten, spekende op die stede van Leijden ende dat tot behouff van Pieter de Grebber, zijnen erven ende nacomelinghen oft actie van hem hebbende. Breeder blijckende bijde brieven hierna volgende.

Wi schout, burgemeesteren, scepenen ende raiden der stede van Leijden doen condit allen luijden die dezen brieff zullen zien off hoeren lesen hoe dat onsen aldergenadichsten heere den Roemeschen keijser ende onsen geboren erfachtigen heere, heer Kaerle eertshertoghe van Oostenrijck, prince van Spanguen, grave van Hollant etc. omme te vervallen die groete schulden ende afterwezen daer inne die voersz. stede geobligeert ende verbondent staet jeghens veele ende diversche persoenen, die



selve stede geotroijeert, geerloeft ende geconsenteert hebben omme tot eenen male of tot meer stonden te moghen belasten ende vercoopen opt gemeen lichaem der voersz. stede ter somme toe van twee duysent rijsche gulden ten prijse van veertich grooten vlaems den gulden, jaerlix erfelicke renten te lossen den penninck zestien, of tot vier duysent der selver gulden jaerlix lijfrenten of bejide te samen erflicke losrenten ende extimatie vanden voirsz. twee duysent ghuldens erflicke renten tsiaers, maer nijet daer en boven noch vorder. Soe als hemluijden dat best ende bequaem zal wezen om haest tot penninghen te geraecken. Ende dat die selve stede tot verzeckerhede des coopers der voersz. renten zal moghen belasten ijpoteecken, verbinden ende in handen stellen alle der voirsz. stede goeden off enighe van dien hoedanich die zijn, nijet vuytgesondert gelijk dat breeder blijft bijden selve brieve van octroije, wezende van der daete den neghen ende twintichsten dach van julio int jair ons heeren duyjt vijfhondert ende dertien. Soe ist dat wij vuyt crachte vanden selven octroije ende om die redenen wille voirsz. bij raede consent ende goetduncken vander gemeene vroetscap vander voirsz. stede wegghen vercocht hebben Pieter die Grebber zijnen erven ende nacomelingen, drie pont groete vlaems tsiaers erflicke renten, te betalen alle jaere tot twee termijnen. Te weeten die een helft tot Sinte Jans daghe te midsomer ende die ander helft tot Kersavont of veerthien daghen nae elcken termijn onbegrepen, ende soe voort van termijne te termijne daer naestcomende dese voirsz. renten te betaelen durende tot ewigen daghen. Welcke voirsz. renten wij den voirsz. Pieter die Grebber verzeekert ende bewijst hebben, verzeekeren ende bewijzen mits desen, te versien ende te verhalen an alzulcke penninghen als dagelick comen van den voirsz. stede strijckerie. Des zijn voorwaerden dat den ghenen die de voersz. stede stelt ten ontfanghe vanden voirsz. penninghen, oft den ghenen die de zelve strijckerie pachte of huerde, eenen behoerlijcken eedt doen sal dat hij alsulcke penningen van zijn voirsz. ontfanck inhouden zal tot behouf vanden voirsz. Pieter die Grebber, zijnen erven ende nacomelingen ende dat die voirsz. ontfanghen pachter oft huijerman op elck vanden voirsz. termijnen ende inder manieren boven verhaelt den voirsz. Pieter die Grebber wel ende deuchdelick voldoen ende betalen zal mits daer of nemende behoerlijcke quittance die hij gehouden wert over te leveren der tresorieren der voirsz. stede daer hij alsdan mede jegens der voirsz. stede van den voirsz. penningen ontlast zal wezen. Ende want wij immers willen procederen ter goeder trouwen tot betalinghe vanden voirsz. renten, soe hebben den schout mitten achte schepenen bij raide ende goetduncken vander gemeene vroetschepe eendrachtelicken gekeurt dat van nu voortan ontfangher vander voirsz. strijckerie lieflick ten heiligen sweeren zal die voirsz. renten inden manieren boven verclaert wel ende getrouwelijcken te betaelen. Ende alzo dick ende menichmael als bijden gerechte een ander ontfanger gestelt wordt ofte dat een ander pachter ofte huijerman inden voirsz. ontfanck quame die sal terstont ende eer hij den voirsz. ontfanck aenvaerden zal eenen gelijcken eedt doen ende soe salment voort an hantieren ter tijt toe dat die voersz. stede die voirsz. renten gelost zal hebben. Zijn oock voerwaerden ende is wel voersproecken dat indien ijemant van der gheenen die der voirsz. strijckerie ontfanghet in gebreecke waere die voirsz. rente te ontaelen dat alsdan den schout ende schepenen inder tijt wezende, gehoude zullen wezen den selven ontfangher daer toe te constringeren ende bedwinghen mit alle behoerlijcke constructien ende bedwangen naden rechten ende costumen van der voirsz. stede binnen den voirsz. tijt van veerthien daghen nae elcken termijn sonder langer vertreck. Ende inden die schout ende schepenen des nijet en deden ende den voirsz. ontfangher in gebreecke waere vander voirsz. betalinghe dat alsdan die waerdeijns van onser voirsz. stede binnen achte daghen nae dat zij daertoe versocht zijn geenre hande lakenen anden ramen opten paertsen noch andersins waerden, paertsen noch oerdeelen en zullen maer daarmede cessen ende op houden ter tijt toe dat die voirsz. ontfangher die voirsz. renten betaelt zal hebben. Twelck oock die waerdeijns die nu zijn ende namaels wezen zullen int aennemen van huerluijder offitie alsoe beloven ende sweeren zullen te doen gelijk vooren gespecificeert staet. Voort sijnt voerwaerden dat die voersz. Pieter die Grebber zijnen erven ende nacomelingen dese voirsz. rente zullen moghen transporteren, alieneren ende wech gheven ofte vervreemden wien dat hem belijft, het zij van binnen of van buijten der voersz. stede, sonder dat die voersz. stede daer an hebben of behouden zal enigen voorcoop. Ende oft alzo dat alst of god wil nijet en zal dat die voirsz. renten nijet betaelt en wordden op die voirsz. termijnen of binnen veerthien daghen daerna gelijck voirsz. staet, soe verlijen wij, geloven ende verbinden ons allen gesamenlicher hant ende elcx bijsunder onse lijven ende alle onse goeden alle onse nacomelingen ende hueren ghoeden, roerende ende onroerende die wij nu hebben ende namaels vercrighen zullen, waer ende waeran die geleghen zijn voer allen rechteren geestelick ende waerlick te nemen, te toenen ende te arresteren om ons alsoe te dwinghen deze voirsz. renten wel ende getrouwelijcken te



voldoen. Ende hier toe zoe renuncheren wij ende vertijen voer ons ende voer alle onse nacomelinghen van allen hulpen van premlegien, gratien, letteren ende hulpe van rechten, beijde geestelick ende waerlick. Voert zoe renuncheren wij ende vertijen van allen anderen exeptien, canillation of nijeuwe vonden hoemen die dencken, peijnsen of versieren zoude mogen. Belovende ons nijet te behelpen mit brieven van relievementen, staten, respijten, octrijen, actermination of gratien hoe die genoempt moghen wezen die ons onse nacomelinghen of der stede te baete zouden moghen commen, in eniger manieren. Noch oeck dat wij de selve rente zullen reduceren of doen, reduceren van den penninck zestien tot den penninck achten of anders, maer sullen die laeten staen zonder te veranderen. Mit zulcke conditie ende voerwaarden dat wij die voirsz. renten zullen moghen lossen tot onser belieften den penninck mit zeshien gelijcke penninghen in hooftelde ende mit zulcke verschenen renten als naeden beloop des tijts verschenen zullen wezen als die lossinge ghesciet. Ende want wij vast gestade ende van goeder waerden houden willen alle tgene dat voorsz. is, soe hebben wij in kennisse der waerheijt dezen brieff bezegelt metter stede grooten seghele van Leijden vuythangende. Ghegeven int jaer ons heeren duysent vijfhondert ende vierthien opten drie ende twintichsten dach in junio.

Folio 125 t/m 128 d.d. 08-08-1528.

Copie ofte chirographe van zeeckeren rentebrief van twee ponden groote tsiaers spreekende op die stede van Leijden ende dat tot behouff ende prouffite van joncvrou Alijdt Pieter de Grebbers weduwe, hueren erven ende nacomelingen, breeder blickende bij de brieven hier nar volgende.

Wi Schout, burghemeesteren, scepenen ende raide der stede van Leijden doen condit allen luiden hoe dat onsen alregenadichsten heer den Roemschen keijser, coninck van Germanien, van Spanguen, van Arragon etc. eertshertoghe van Oostenrijk, grave van hollant, der voirn. stede geotroijeert ende geconsenteert heeft te moghen vercoepen opt gemeen lichaem der voersz. stede totter somme toe van hondert ponden groote tsiaers lijfrenten totter meesten oerbaer ende prouffite der selver stede omme die penninghen daer of commende te besteeden ende emploijeren, eerst totte netalinghe van haer portie vande tachtich duysent croonen zijn keijserlijcke majesteijt geconsenteert ende daer naer totter reparatie vanden poorten, toornen, muijeren ende andere nootsaekelicke affairen van der selver stede, breeder blickende bijde zelve brieve van octroije daer van wezende in date den eersten dach van augusto int jaer ons heeren duysent vijfhondert ende eentwintich. soe ist dat wij vuyt crachte vanden selven octroije ende om die redenen wille voorsz. bij raede consent ende goetduncken vander gemeene vroescap vander voirsz. stede wegghen vercocht hebben joncvrou Alijdt Pieter die Grebber weduwe haeren erven ende nacomelinghen, twee ponden groete vlaems tsiaers erflicke renten, te betalen alle jaere opten achten dach in augustuo of binnen veerthien daghen daer nae onbegrepen daer of dat eerste jaer renten verschenen zel opten achten dach in augusto naestcomen ende zoe van jaere te jaere daer naestcomende. Deze voirsz. renten te betalen duerende tot ewigen daghe. Welcke voirsz. renten wij den voirn. joncvrou Alijdt verzeeckert ende bewijst hebben, verzeekeren ende bewijzen mits desen, te versien ende te verhaelen aen alzulcke penninghen als dagelicx comen van den voirsz. stede strijckerie. Des zijn voorwaarden dat den ghenen die de voersz. stede stelt ten ontfanghe vanden voirsz. penninghen, oft den ghenen die de zelve strijckerie pachte of huerde, eenen behoerlijcken eedt doen sal dat hij alsulcke penningen van zijn voirsz. ontfanck inhouden zal tot behouf vanden voirsz. joncvrou Alijdt, hueren erven ende nacomelinghen ende dat die voirsz. ontfanghen pachter oft huijerman op elck vanden voirsz. termijnen ende inder manieren boven verhaelt den voirsz. joncvrou Alijdt wel ende deuchdelick voldoen ende betalen zal mits daer of nemende behoerlijcke quictancie die hij gehouden wert over te leveren der tresorieren der voirsz. stede daer hij alsdan mede jegens der voirsz. stede van den voirsz. penningen ontlast zal wezen. Ende want wij immers willen procederen ter goeder trouwen tot betalinghe vanden voirsz. renten, soe hebben den schout mitten achte schepenen bij raide ende goetduncken vander gemeenre vroetschepe eendrachtelicken gekeurt dat van nu voortan ontfangher vander voirsz. strijckerie lieflick ten heilighen sweeren zal die voirsz. renten inden manieren boven verclaert wel ende getrouwelijcken te betaelen. Ende alzo dick ende menichmael als bijden gerechte een ander ontfanger gestelt wordt ofte dat een ander pachter ofte huijerman inden voirsz. ontfanck quame die sal terstont ende eer hij den voirsz. ontfanck aenvaerden zal eenen gelijcken eedt doen ende soe salment voort an hantieren ter tijt toe dat die voersz. stede die voirsz. renten gelost zal hebben. Zijn oock voerwaarden ende is wel voersproecken dat indien ijemant van der gheenen die der voirsz. strijckerie ontfanghet in gebreecke waere die voirsz. rente te ontaelen dat alsdan den



schout ende schepenen inder tijt wezende, gehoude zullen wezen den selven ontfangher daer toe te constringeren ende bedwinghen mit alle behoorlijcke constructien ende bedwangen naden rechten ende costumen van der voirsz. stede binnen den voirsz. tijt van veerthien daghen nae elcken termijn sonder langer vertreck. Ende inden die schout ende schepenen des nijet en deden ende den voirsz. ontfangher in gebreecke waere vander voirsz. betalinghe dat alsdan die waerdeijns van onser voirsz. stede binnen achte daghen nae dat zij daertoe versocht zijn geenre hande lakenen anden ramen opten paertsen noch andersins waerden, paertsen noch oerdeelen en zullen maer daarmede cessereren ende op houden ter tijt toe dat die voirsz. ontfangher die voirsz. renten betaelt zal hebben. Twelck oeck die waerdeijns die nu zijn ende namaels wezen zullen int aennemen van huerluijder offitie alsoe beloven ende sweeren zullen te doen gelijk vooren gespecificeert staet. Voort sijnt voerwaerden dat die voirsz. Pieter die Grebber zijnen erven ende nacomelinghen dese voirsz. rente zullen moghen transporteren, alierenen ende wech gheven ofte vervreemden wien dat hem belieft, het zij van binnen of van buijten der voersz. stede, sonder dat die voirsz. stede daer an hebben of behouden zal enigen voorcoop. Ende oft alzo dat alst of god wil nijet en zal dat die voirsz. renten nijet betaelt en worden op die voirsz. termijnen of binnen veerthien daghen daernaelijck voirsz. staet, soe verlijen wij, geloven ende verbinden ons allen gesamenlicher hant ende elcx bijsunder onse lijven ende alle onse goeden alle onse nacomelinghen ende hueren ghoeden, roerende ende onroerende die wij nu hebben ende namaels vercrighen zullen, waer ende waeran die geleghen zijn voer allen rechteren geestelick ende waerlick te nemen, te toenen ende te arresteren om ons alsoe te dwinghen deze voirsz. renten wel ende getrouwelijcken te voldoen. Ende hier toe zoe renuncheren wij ende vertijen voer ons ende voer alle onse nacomelinghen van allen hulpen van premlegien, gratien, letteren ende hulpe van rechten, beijde geestelick ende waerlick. Voert zoe renuncheren wij ende vertijen van allen anderen exeptien, canillaten of nijeuwe vonden hoemen die dencken, peijnsen of versieren zoude mogen. Belovende ons nijet te behelpen mit brieven van relievementen, staten, respijten, octrijen, acterminaten of gratien hoe die genoempt moghen wezen die ons onse nacomelinghen of der stede te baete zouden moghen commen, in eniger manieren. Noch oeck dat wij de selve rente zullen reduceren of doen, reduceren van den penninck zestien tot den penninck achten of anders, maer sullen die laeten staen sonder te veranderen. Mit zulcke conditie ende voerwaerden dat wij die voirsz. renten zullen moghen lossen tot onser belieften den penninck mit zeshien gelijcke penninghen in hooftgelde ende mit zulcke verschenen renten als naeden beloop des tijts verschenen zullen wezen als die lossinge gheschiet. Ende want wij vast gestade ende van goeder waerden houden willen alle tgene dat voirsz. is, soe hebben wij in kennisse der waarheijt dezen brieff bezegelt metter stede grooten seghele van Leijden vuythangende. Gegeven int jaer ons heeren duijsent vijfhondert ende twintich opten achten dach in augusto.

Folio 128v t/m 131v. d.d. 18-05-1550.

Copie ofte chrographe van zeeckeren rentebrief van vijftich carolus guldens tsiaers vercocht bijden eedelen ende waelgeboeren heere die prince van Gavere grave van Egmont, Banzon van Bair etc. heeren Guillian Zeeghers heere van Wassenhoven heeren Aerntsberge etc. raidt ordinaris inden Hove van Hollandt, specialijcken geijpoteequeert op die aenwassen ende weijlanden gelegen inden lande van Putten in Hollant, geheeten den Ommeloop van Oude Puttemoer etc. mit hueren toebehooren, den voirsz. prince toe behoorende, hierna geïncorporeert.

Wi Lamoral prince van Gavere grave van Egmont baron van Bair heere tot Hoochtwoude, Eerstwoude etc. doen condit allen luiden dat wij omme die meeste schaede metten minste te verhoeden voer ons onsen erven ende nacomelingen wel ende wettelijcken vercocht hebben ende vercoopen mits desen onsen openen brieven heeren Guillian Zeeghers heere van Wassenhove, Aerntsberghe etc. raedt ordinaris des keijzers ons genadichs heeren in Hollandt zijn erven ende nacomelinghen ofte actie van hem hebbende eene jaerlix ewighe ende erfelijcke rente van vijftich gouden carolus guldens tsiaers tot twintich stuvers stuc munte der keijserlijcke majesteijt voirsz. nu ter tijt loop hebbende oft die gerechte waerde van dien in anderen goeden gevalueerden ende gancbaren ghelde, voert aen te gheldene ende te betalene tzijnen huijse binnen den Haghe, sonder des voirsz. heeren Guillian Zeeghers oft zijnen erven ende nacomelingen cost, vrij van allen imposieten, verpondingen contributien, beden oft anderen ongelden hoedanich die weesen moghen die daer op commen mochte. Alle jairs den 16^e dach van meije, daer of het eerste jaer ommegecommen ende verscenen zal wesen opten 16^e dach in meije anno 1500 ende een en vijftich ende alzo voerts van jaere tot jaere ter tijt toe ende alzo langhe tot dat wij onse erven ofte



nacomelinghen die rente ofgelost ende gequeten zullen hebben, mits opleggende teffens ende teenemale achte hondert der voirsz. carolus, goet van goude ende swaer van gewichte, oft die wairde van dien in anderen goeden gevalueerden ghelde naer vuytwijsen die leste valuatie van wegen zijne majesteijt alomme in dezen zijnen Nederlanden gecondicht metten verloopen ende verscenen renten naer advenant van den tijt. Welverstaende dat zoe wanneer wij oft onse erven ende nacomelingen die zelve lossinghe zullen willen doen, wij oft zij gehouden zijn sullen den voirsz. heeren Giullian Zeeghers zijnen erven ende nacomelinghen oft actie van hem hebbende dat een halff jaer te vooren op te seggen ende te denunchieren. Ende nae die denouchiatie die voersz. rente zoe lange cours ende loop te laeten hebben, omme binnen middelen tijde zijne ofte huere penninghen wederomme te mogen beleggen. Ende ten eijnde ande jaerlixen betalinghe vande voirsz. rente upten voirsz. verschijndach ofte vuyterlick binnen zesse weecken daer nae gheen gebreecken valle, hebben gelast ende geordonneert, lasten ende ordoneren bij desen onsen brieve onsen rentmeester van Egmont die nu es ende namaels wesen sal die voirsz. rente jaerlicx ten voirsz. verschijndage oft binnen zesse weecken ten lancxsten daer nae te betaelen sonder andere oft voerder ordonnantie oft last van ons oft van onsen erven ende nacomelinghen te verwachten. Ende tot dijen eijnde hebben overgegeven ende gheven over mits desen dat bij gebreecke van betalinghe die sommatie die an onsen voirsz. rentmeester die nu es ende inden tijt wezen sal gedaen sal wordden, strecken zal in rechte ende daer buijten oft dat an onsen propren persoene gedaen waere. Ende wij Lamoral van Egmont voirn. bekennen mits desen onsen brieve voer ons onsen erven ende nacomelingen vande voirsz. achte hondert carolus guldens ten prijse voirsz. over die coep vande voirsz. rente geheel ende al wel vernoucht ende betaelt te wezen, den lesten penninck metten eersten, renunchierende dexceptie non numerate pecunie van den effecte van dier wel onderrecht zijnde. Ende schelden daer of quicte heeren Giullian Zeeghers voirn. ende allen anderen quijtscedinghe behoerende. Ende omme den selven heeren Giullian Zeeghers wel van de voirsz. rente ende die jaerlixen betalinghe van dien te verzeckeren, soe hebben wij voer ons onsen erven ende nacomelingen specialijcken daer voeren veronderpant, verbonden ende gehijpoteecqueert, veronderpanden, verbinden ende hijpotecqueren mits desen onsen openen brieve onse anwassen ende weijlanden geleghen inden lande van Putte in Hollant geheeten den Ommeloop van Oude Putten moer, Troijvelt, Bordeken, Tielmonde ende die Jacht mit hueren toebehoeren ende anwassen die nu zijn ende namaels noch ancomen oft anwassen zullen moghen, gheene vuytgesondert eijgen goet wezende. Ende want naer de ordonnantie van zijne voirsz. majesteijt gemaect ende gecondicht inden jaere 1500 ende 29 men gheen eijgen goeden vercoopen, vervreemden noch belasten en mach dan voer den schout ende gerechte daer onder die geleghen zijn ende sorteren. Ende onse voirsz. anwassen alsnoch gheen schout ende gerechte op hem selven en hebben ende tegenwoirdelijcke liggen ende sorteren onder den schout ende schepenen van Geervliet als wesende die hoofstadt slants van Putte voirsz. Soe hebben wij machtich gemaect ende maecken machtich mits desen Jacques de la Cambe onsen rentmeester van Egmont, Jacob Rijckewaert onse secretaris, Cornelis van Haeften, Joost Jacobsz. ende Hobijn Hauwaert procureurs in den Hove van Hollandt voirsz. ende elcx van hen bijsonder, omme vuyt onsen name ende van onsen wegen te compareren voer schout ende scepenen van Geervliet voirn. ende aldaer te verlijden ende te passeren tgeheel inhouden van dese onse constitutie brieff metten voerwaarden daerinne begrepen ende onze vuyterlanden oft anwassen voirsz. voer hemluiden daer voer wettelijcken te verbinden, veronderpanden ende te hijpotecqueren. Ende oft hier namaels tot enighe tijt die zelve onse vuyterlanden oft anwassen bevonden wordden nijet goet genouch oft souffissant voerde voirsz. jaerlixen rente, soe hebben wij voer ons onsen erven ende nacomelinghen generalijcken in subsidie van dien verbonden, veronderpandt ende gehijpoteecqueert, verbinden, veronderpanden ende hijpotecqueren mits desen alle onse andere goeden, leen ende eijghen die wij tegenwoirdelick hebben ende namaels vercrijghen zullen moghen, gheene vuytgesondert, waer die gestaen oft geleghen zijn moghen. Ende wij ghenen onsen voirsz. procureurs ende elcx van hen bijsonder oeck speciael macht ende sonderling bevelen te compareren van onsen weggen voer den Hove van Hollandt voirsz. ende aldaer voer onsen erven ende nacomelinghen int geheel inhouden van deze constitutie te laeten condempneren ende onse voirsz. gehijpoteecqueerde goeden daer voer te laeten verclaren executabel. Belovende goet vast gestadich ende van waerden te houden alle tgunt dat bij onsen voirsz. procureurs ende elcx van hen in desen van onsen weggen gedaen, gevordert ende gehantplicht zal wordden. In kennisse der waerheijt zoe hebben wij Lamoral prince van Gavere, grave van Egmont etc. desen onsen openen brieve onder de ploije geteeckent mit onsen gewoenlijcken naem ende hanteecken ende onsen



grooten seghele hier beneden doen anhanghen. Opten 18^e dach in meije inden jaere duijsent vijfhondert ende vijftich.

Folio 132 t/m 133. d.d. 12-09-1550.

Brieven van verbant ende ijpoteeque gepasseert voer schout ende scepenen van Geervliet, dienende opden voirsz. rentebrief ende dat tot verzeckerheijt vanden voirsz. heere Guillian Zeeghers riddere heere van Wassenhoven etc. raedt ordinaris inden Hove van Hollandt.

Wij Adriaen IJsbrants zoen Starck schout, Claes Jacobs zoen cuper ende Joost Claes zoen scepenen der stede van Geervliet oorconden ende kennen dat op huijden datum van desen voer ons ghecoemen ende gecompereert is Joost Jacobs zoen procureur ende verclaerde hoe dat die eedele ende welgeboren heere die prince van Gavere, grave van Egmont etc. voer hem zijnen erven ende nacomelinghen vercocht hadde heeren Gujllian Zeeghers riddere heere van Wassenhove etc. raedt ordinaris in den Hove van Hollant zijnen erven ende nacomelinghen oft actie van hem hebbende eene jaerlixte rente van vijftich carolus guldens siaers van veertich grooten vlaems tstück, breeder blijckende bij eenen brieff geteijckent ende bezegelt bij den voirsz. grave van Egmont, deur den welcken dezen onsen brieff getransfixeert bezegelt es. Ende vuyt crachte vande procuratie daer inne geïnsereert zoe heeft die voirsz. Joest Jacobs zoen inden name als boven voer die voirsz. jaerlixte rente specialick geijpoteequeert ende verbonden, ijpoteequeert ende verbindt mits dezen alle die anwassen ende weijlanden geleghen inden lande van Putte, geheeten den Ommeloop van Oude Puttermoer, Troijvelt, Bordekeen, Tielmonde ende Jacht, mit allen hueren toebehooren sulcx als die bijden voerscreven grave beseten wordden, tot heerlijcke ende reale executie vanden Hove van Hollandt. In kennisse der waerheijt zoe hebben wij schout ende scepenen voirsz. elcx onsen seghel hier aen gehanghen. Opten twaelfsten dach van september inden jaere duijsent vijffhondert ende vijftich.

Folio 133v. t/m 134v. d.d. 15-09-1550.

Copie auctenticque van zeeckere willighe condempnatie gepasseert voerden Hove van Hollant bijden prince van Gavere, grave van Egmont voirsz. dienende op de voirsz. brieven van constitutie. Ende dat tot proffite vanden voirsz. heeren Guillian Zeeghers ridder heere van Wassenhoven etc.

Opten dach van huijden compareerde voerden Hove van Hollandt Joest van der Bijde Jacobs zoen procureur postulant inden selven Hove ende navolghende zijne speciale procuratie geïnsereert inde brieven van constitutie van daete den 18^e maj lestleden, doer de welcke dese onse acte getransfereert besegelt es bekende dat die eedele ende welgeboeren heere die prince van Gavere, grave van Egmont etc. voer hem zijnen erven ende nacomelinghen vercocht heeft gehadt heere Guillian Zeeghers heere van Wassenhove etc. ridder raedt ordinaris inden voirsz. Hove een jaerlixte rente van vijftich carolus guldens tsiaers van veertich grooten vlaems tstück, ter losse den penninck zestien onder generael ende speciael hijpoteeque ende andere conditien ende voerwaarden begrepen inde voirsz. brieven van constitutie, mitsgaders de nagevolchde brieven van hijpoteeque in daete den 12^e dezer maent septembris getransfixeert als vooren. Ende versochte die voirsz. Joest Jacobs zoen inden naem als boven int geheele inhouden vande voorsz. brieven van constitutie gecondempneert te wezen ende de hijpoteeck daer inne verhaelt ende na geconstitueert daer vooren verclaert te hebben executabel. Gehoort welck versouck heeft tvoorsz. Hoff den zelven Joost Jacobs zoen inden naem als boven gecondempneert ende condemneert hem tzelfde Hoff mits desen int geheel inhouden vande voirsz. brieven van constitutie, verclarende die goeden ende landen daerinne geroert daer vooren executabel. Gedaen inden Haghe bij heeren Gerard heere van Assendelft, Eemskerck etc. ridder eerste raedt presiderende, Mrs. Cornelis Suijs, Charles van den Nitsen, heer Gerardt van Renes oock Ridder, Cristiaen de Waerd, Anthonis van Cats ende Dominicus Boot raetsluijden van Hollant. Den 15^e septembris anno 1500 ende vijftich. Onder tzegeel van justicie hier anhanghen. In kennisse van mij. Onderteijckent J. Dam.

Folio 135 t/m 139 d.d. 30-11-1550.

Copie ofte chirographe van zeeckeren rentebrief van vijftich carolus guldens siaers vercocht bijden eedelen ende welgeboren heere die grave van Arenberghe, vrijheere tot Barbanson, heere tot Buissiere, Eggermont etc. ende vrouwe Marguerite gravinne van der Marcke ende Arenberge voirsz., heere Guillian Zeeghers heere van Wassenhove etc. specialijcken gehijpoteequeert op zeeckere landen gelegen in Naeltwijck ende Wateringe die voirsz. grave ende gravinne toebehorende.



Wij Johan van Lingue grave van Arenberghe, vrijheere tot Barbanson, heere tot Buissiere, Egghermont, Walscher Nieuwerborch, Ouwart, Loenhout, Empel, Naeltwijck etc. erfmaerscalck van Hollant ende Marguerite gravinne van der Marck ende Arenberghe voirsz. doen condt allen luijden dat wij om die meeste schaede mette minste te schouwen, wel ende wettelijcken vercocht hebben ende vercoopen mits dezen onzen openen brieven heeren Guillian Zeeghers, heere van Wassenhove, Arentsberge etc. ridder raedt ordinaris des keijzers ons genadichs heeren in Hollant zijn erven ende nacomelinghen off actie van hem hebbende, eene jaerlix eeuwighe ende erfelijcke rente van vijftich gouden carolus guldenen tsiaers tot twintich stuvers tstuck munte der keijserlijke majesteijt voirsz. nu ter tijt loop hebbende off die gerechte waerde van dien in anderen goeden gevalueerden ende gancbaeren ghelde voortaan te gheldene ende te betalene tzijnen huijse binnen den Haghe sonder des voirsz. heeren Guillian Zeeghers ofte zijnen erven ofte nacomelinghen cost vrij van allen imposities, verpondinghen, contributien, beden ofte anderen ongelden hoedanich die weesen moghen die daer op commen mochten, alle jaers den eersten decembris daerof het eerste jaer omme ghecommen ende versceenen sal weesen opten eersten dach van december anno 1500 een ende vijftich ende alzo voorts van jaere tot jaere ter tijt toe ende alzo langhe tot dat wij onse erven oft nacomelinghen die selve rente offgeleijt ende gequeten zullen hebben mits opleggende teffens ende teenemale acht hondert der voirsz. carolus goet van goude ende swaer van gewichte oft die waerde vandien in anderen goeden gevalueerde ghelde naer vuytwijzen die leste valuatie van wegghen zijnder majesteijt alomme in desen zijnen Nederlanden gecondicht mitten verlopen ende versceenen renten naer advenant van den tijt, wel verstaende dat zoe wanneer wij oft onse erven ende nacomelinghen die zelve lossinghe zullen willen doen, wij oft zij gehouden zullen zijn den voirscreven Guillian Zeeghers zijnen erven ende nacomelingen oft actie van hem hebbende dat een half jaer te vooren op te seggen ende te denonchieren ende nae die denonchiatie die voirsz. rente zoe langhe cours off loop te laeten hebben, omme binnen middelen tijde zijne ofte huere penninghen wederomme te moghen beleggen. Ende ten eijnde aende jaerlix betaelinghe vande voirsz. rente upten voirsz. verschijndach ofte vuyterlick binnen zesse weecken daer nae gheen gebreck en valle, hebben gelast ende geordonneert, lasten ende ordonneren bij dezen onsen brieve onsen rentmeester van Naeltwijck Willen van der Houff die nu es ende naemaels wezen zal die voirscreven rente jaerlicx ten voirsz. verscijsdaege ofte binnen zesse weecken ten lancxsten daer nae te betaelen sonder andere off voerdere ordonnantie oft last van ons oft onsen eren ende nacomelinghen te verwachten. Ende tot dijen eijnde hebben overgegeven ende ghenen overmits dezen dat bij gebreecke van betalinghe die sommatie die an onsen rentmeester die nu es ende inder tijt weesen zal gedaen zal wordden strecken sal in rechte ende daer buijten oft die an onsen propren persoene gedaen waere omme bij gebreecke van betalinghe te moghen procederen tot vuytwinninge van de voirsz. goeden hier onder specialick ende generalick voerde voersz. rente verbonden ende gehijpoteecqueert sonder dat wij onse erven oft nacomelingen ons sullen moghen behelpen mit exceptie van verjaerheijt oft enighe andere exceptie omme tgunt dat voirsz. es te beletten oft te verachten. Ende wij constituanten voirsz. bekennen mits desen onsen brieve voer ons, onse erven ende nacomelingen vande voirsz. acht hondert carolus guldenen ten prijse voirsz. over die coop vande voirsz. rente geheel ende al wel vernoucht ende betaelt te weesen, den lesten penninck metter eersten. Renunchierende dexceptie non numerate pecinne van den effecte van dien wel onderrecht zijnde. Ende schelden daer of quite heeren Quillian Zeeghers voirsz. ende allen andere quijscedinge behoevende. Ende omme selven heeren Quillian Zeeghers wel vande voirsz. rente ende jaerlix betaelinghe van dier te verzeeken. Soe hebben wij voer ons onsen erven ende nacomelinghen specialijcken daer voer veronderpant, verbonden ende gehijpoteecquert, veronderpanden, verbinden ende hijpoteecueren mits desen onsen openen brieve onse landen ghelegghen in Naeltwijck. Eerst een parceil van acht ende dertich morgen, belent oost Dirrick van Duvenvoorde, zuijt die Kercwech, west die nijeweche ende noort die heeren van Sint Jans tot Haerlem. Item noch een parceil van vijftien marghen, belent oost thuijs te Honsel, zuijt den Dijckwech, west een ban wateringhe ende noort Jan Ziers zoen met bruijcwae. Item noch vijftien marghen vier hont ende wordden gebruijct bij Heijman Adriaens zoen. Item noch een parceil lants van twintich marghen ende wordden gebruijct bij Pieter Jacobs zoen tOpstal. Item noch zesse marghen ende wordden gebruijct bij Jorijs Duesz. Item noch ontrent negghen marghen ende wordden gebruijct bij Cornelis Gerits zoen tOpstal. Welcke voirsz. vier parceelen leggen aen malcanderen ende zijn belent oest die heerwech zuijt tcapittel tot Naeltwijck, west Heijman Ariaens zoens woninghe ende noort die Reguliers tsGravesande. Mitsgaders noch zeeckere parceelen van landen ghelegghen onder Wateringhe hier navolgende. Inden eersten elff marghen ende een halve



ende wordden gebruijct bij Arent Philips zoen. Welck lant geleghen is aen drie partijen daer af een parceil van vier marghen vier hont, belent is oost tcapittel tot Naeltwijck, west een wateringhe geheeten die Wollebrant, zuijt Arent Philips zoen met bruijcwaer ende noort die heerwech. Die reste is belent oost die Wollebrant, zuijt die Zwet, west die proijen ende noort Jacob Pieters zoen. Item noch thien ende een halve marghen ende wordden gebruijct bij Adriaen Claes zoen Quijnshoell, belent zuijt den heerwech, oost, west ende noort Engel Hubrechts zoen. Item noch thien marghen ende wordden gebruijct bij Jan Vercroft, belent zuijt die Zwet wateringhe, oost Due Duesz. met bruijcwaer, noort den wech ende west Bruijn Foeck tUijtrecht. Item noch twaelff ende een halve marghen ende wordden gebruijct bij Hubrecht Willems zoen, belent noort die heerwech, zuijt die Zwet, west Jan Ariaens zoen mit bruijcwaer ende oost Marijten Jan Gillisz. weduwe. Item noch neghen marghen off daer ontrent ende wordden gebruijct bij Due Duesz. Welck lant leijt gemeen mette vicarie van Sinte Nicolas outaer, belent noort den wech, zuijt die Swet, oost die selve vicarie ende west die heere van Naeltwijck. Item noch thien marghen ende wordden gebruijct bij Arent Jansz. Tap, belent oost die Monicken laen, zuijt die wech, noort tconvent aldaer ende west Kathrijne Jacob Cornelisz. weduwe met meester Jacob de Jonge. Ende want naer die ordonnantie van zijne voersz. majesteijt gheen eijghen goet vercoopen, vervreemden, belasten noch verbinden en mach dan voerden schout ende gerechte daer onder die geleghen zijn ende sorteren. Soe hebben wij machtich gemaect ende maecken machtich mits dezen Willem van der Houff onsen rentmeester van onsen goeden geleghen in Hollandt, Cornelis van Haeften ende Joost Jacobs zoen procureur inden Hove van Hollandt omme vuijt onsen name ende van onsen wegghen te compareren voer schout ende schepenen van Naeltwijck ende Wateringe voirsz. ende aldair te verlijden ende te vasseren tgeheel in handen van deze constitutie brieff mette voerwaerden daer inne begrepen ende onse landen voer henluijden daer voer wettelijcken te verbinden, veronderpanden ende te hijpoteecqueren. Ende oft hier namaels tot enighe tijt die selve onse eijghen landen bevonden wordden nijet goet genouch oft souffisant voer de voirsz. jaerlixen rente. Soe hebben wij voer onsen erven ende nacomelingen generalijcken in subsidie vanden verbonden, veronderpant ende gehijpoteecqueert, verbinden, veronderpanden ende hijpoteecqueren mits dezen, alle onse andere goeden, leen ende eijghen die wij tegenwoirdelick hebben ende namaels vercrighen zullen moghen, gheene vuijtgesondert waer die gestaen off geleghen moghen zijn. Ende wij gheven onsen voirsz. procureurs ende elcx van hen bijsundere oeck speciael maecht ende sonderlinghe bevel te compareren van onsen wegghen voerden Hove van Hollandt voirsz. ende ons aldaer voer onsen erven ende nacomelinghen int geheel inhouden van deze constitutie te laeten condempneren ende onse voirsz. gehijpoteequeerde goeden daer voer te laeten verclaren executabel. Belovende goet vast gestadich ende van weerde te houden alle tgunt dat bij onsen voirsz. procureurs ende elcx van hen in desen van onsen wegghen gedaen, gevordert ende gehantplicht zal wordden. In kennisse der waerheijt, zoe hebben wij Johan van Lingne grave van Arenberghe, vrijheere van Barbanson etc. ende Margriete gravinne vander Marcke ende Arenberghe etc. voirsz. desen onsen openen brieff onder de ploije geteeckent ende met onze vuijthangende segelen besegelt opten lesten dach van november anno 1500 ende vijftich.

Folio 139v. t/m 140v. d.d.10-12-1550.

Brieven van verbant ende ijpoteeke gepasseert voer schout ende scepenen van Naeltwijck ende Wateringe voirsz. dienende opten voirsz. rentebrieff ende dat tot verzeekerheijt vanden voirsz. heeren Guillian Zeeghers riddere heere van Wassenhoven etc. zijnen erven ende nacomelingen.

Item Jan Jans zoen van Buijten ende Anthonis Claes zoen die smit schepenen ofte gesworens tot Naeltwijck, Heijman Adriaens zoen ende Adriaen Sijmons zoen scepenen op Honselaerijck ende Opstal, Dirrick Vranck zoen ende Arent Jaspersz. scepenen tot Wateringen oerconden ende kennen dat op huijden datum van desen voer ons ghecomen ende gecompareert es Willem van der Houff rentmeester van Naeltwijck ende verclaerde hoe dat die edele ende welgeboeren heere Johan van Ligne, grave van Arenberghe vrijheere tot Barbanson heere tot Binssiere, Eggermont, Waelscher Nieuwerboch, Mirwart, Loenhout, Empell, Naeltwijck etc. erfmaerscalck van Hollandt ende Margriete vander Marcke gravinne van Arenborghe voirsz. voer huer ende hueren erven ende nacomelinghen vercocht hadden heeren Guillian Zeeghers riddere heere van Wassenhove etc. raedt ordinarij inden Hove van Hollandt zijnen erven ende nacomelingen off actie van hem hebbende, eene jaerlixen rente van vijftich carolus guldens siaers van veertich grooten vlaems tstick, breeder blijkende bij eenen brieff geteijckent ende besegelt bijden voirsz. grave ende gravinne, deur welcken dezen onsen brieff getransfixeert besegelt es. Ende vuijt crachte vande procuratie daerinne geïnserviert. Soe heeft die



voirsz. Willem van der Houff inden name als boven voer die voirsz. jaerlixte rente specialic geijpoteecqueert ende verbonden, ijpoteecqueert ende verbindt mits dezen alle die landen inde constitutie brieff daer desen deur getransfixeert is, gespecificeert: Eerst 38 marghen gelegen inden bailluscip van Naeltwijck met noch vijftien marghen gelegen inden selven bailliuscip. Noch vijftien marghen vier hont ende twintich marghen met noch negen marghen ende zes marghen gelegen in Opstal in tzelve bailliuscip. Ende noch ontrent drientzestich marghen lants an diversche partijen gelegen inden ambochte van Wateringhe. Alle die landen gelumteert ende gespecificeert als die constitutie brieff daer desen deur getransfixeert es breeder vermeldt, zulcx als die bijden voirsz. grave ende gravinne bezeten wordden tot heerlijcke ende reale executie vanden Hove van Hollant. In kennisse der waerheijt zoe hebben wij Jan Jansz. van Buijten ende Anthonis Claes zoen smit gesworens van Naeltwijck voirsz. gebeden meester Jan van Heuckesloet onsen schout van Naeltwijck ende wij Dirrick Vrancke zoen ende Arent Jaspers zoen scepenen tot Wateringhe hebben ingelicx gebeden Pieter Geritsz. onsen schout van Wateringhe deze constitutie brieff over ons te willen bezegelen. Ende wij Heijman Adriaens zoen ende Adriaen Sijmon zoen scepenen tot Holselaersdijck ende Opstal hebben met onsen gemeen scepenen seghel desen brief selver metten voirsz. scouten ter begeerte als voeren deur die voirscreven constitutie brief getransfixeert besegelt gehadt upten 10^e decembris anno 1500 ende vijftich onderteijckent ende gescreven onder die ploije, bij mij Dirrick Vrancke zoen.

Folio 141 t/m 141 v.

Copie auctenticque van zeeckere willighe condemnatie gepasseert voerden Hove van Hollant bijden grave ende gravinne van Arenberge voirn. dienende opde voirsz. brieven van constitutie hier vooren geïncorporeert. Ende dat tot prouffite vanden voirsz. heeren Guillian Zeegers ridder heere van Wassenhoven etc.

Op ten dach van huijden compareerde voer den Hove van (Hollant) Cornelis van Haeften procureur postulant inden zelfden Hove ende volghende zijn spetiale procuratie ginsereert inde principaele brieven van constitutie van daete den lesten november lestleden, deur de welcke deze onse acte getransfixeert besegelt es, verclaerde dat heere Johan van Lingne grave van Arenberghe etc. ende vrouwe Margriete gravinne van Arenberghe voirsz. vercocht hadden heere Chalem Zeeghers ridder heerde van Wassenhoven etc. raedt ordinaris inden voirsz. Hove, een jaerlixte rente van vijftich gouden carolus guldens siaers van veertich grooten vlaems tstuck, breeder blijckende bijde voirsz. brieven houdende speciale ende generale hijpoteecque. Ende versochte de voirsz. comparant inder qualiteit als boven int geheel inhouden vanden voirsz. brieven gecondempneert te wezen ende de gehijpoteecqueerde landen ende goeden verclaert te hebben voer de jaerlixte rente ende de hoofdsomme vandien executabel. Gehoort welck versouck heeft tvoirsz. Hoff den voirsz. comparant inden qualiteit als voeren gecondempneert ende condempneert hem tselfde Hoff mits dezen int geheele inhouden vande voirsz. brieven in daete als boven, verclarende alle de gehijpoteecqueerde landen ende goeden executabel voer de jaerlixte rente ende de hoofdsomme van dien. Gedaen inden Haghe bij heere Gerard heere van Assendelft, Eemskerck etc. ridder, eerste raedt presiderende, meesters Cornelis Suijs, Arnoudt Sasbout, Cornelis van Weldam, Charles vanden Nijdsen, Christiaan de Waert ende Dominicus Boot raedtsluijden van Hollant. Toorconde tzelge van justitie hier aen gehangen. In kennisse van mij J. Dam.

Folio 142 t/m 146v d.d. 30-04-1551.

Copie ofte chirographe van zeeckeren rentebrief van vijftich carolus guldens tsiaers vercocht bijden eedelen ende waergeboren heere die grave van Arenberghe, vrijheere tot Barbanson etc. heeren Guillian Zeeghers heere van Wassenhoven etc. raedt ordinaris inden Hove van Hollant, specialijcken geijpoteecqueert op zeeckere landen gelegen in Naeltwijck ende Wateringhe, den voirsz. grave toebehoorende, breeder blijckende bijde brieven hier nae volgende.

Wij Johan van Lingne grave van Arenberghe, vrijheere tot Barbanson heere tot Binssiere, Egghermont, Walschermer Werburgh, Mirwart, Loenhout, Empell, Naeltwijck etc. ende Margriete gravinne van der Marcke ende Arenberghe voirsz. etc. doen condt allen luijden dat wij om die meeste schaede mitte minste te tschouwen, wel ende wettelijcken vercocht hebben ende vercoopen mits desen onsen openen brieve heeren Guillian Zeeghers heere van Wassenhove, Aerentsberghe etc. ridder raedt ordinaris de keijzers ons genadichs heeren in Hollant, zijnen erven ende nacomelingen ofte actie van hem hebbende eene jaerlixte ewighe ende erflijcke rente van vijftich gouden carolus guldenen tsiaers tot twintich stuvers tstuck, munte der keijserlijke majesteijt voirsz. nu ter tijt loop hebbende oft die rechte waerde vandien in anderen ghoeden gevalueerden ende gancbaeren ghelde,



voert aen te gheldene ende te betalene tzijnen huijse binnen den Haghe sonder des voirsz. heeren Guillian Zeeghers ofte zijnen erven ofte nacomelingen cost vrij van allen impositien, verpondingen, contributien, beden ofte anderen ongelden, hoedaninich die wezen moghen die daer op commen mochten, alle jaers den eersten maj. Daer of het eerste jaer ommegecommen ende verschenen zal wezen den eersten dach van Maj anno 1500 tweendevijftich. Ende alzo voerts van jaere tot jaere ter tijt toe ende alzo verre tot dat wij onse erven ende nacomelingen die rente of geleijt ende gequeten zullen hebben, mits opleggende teffens ende teenemale acht hondert der voirsz. carolus goet van goude ende swaer van gewichte oft die waerde van dien in anderen goeden gevalueerden ghelde, naer vuytwijzen die leste valuatie van wegghen zijnder majesteijt alomme in dezen zijnen Nederlanden gecondicht, metten verlopen ende verscenen renten naer advenant vanden tijt. Welverstaende dat zoe wanneer wij onse erven ende nacomelingen die selve lossinghe zullen willen doen, wij oft zij gehouden zullen zijn den voirsz. Guillian Zeeghers zijnen erven ende nacomelingen oft actie van hem hebbende dat een half jaer te vooren op te seggen ende te devouchieren. Ende nae die denontiatie die voirsz. rente zoe lange cours of loop te laeten hebben omme binnen middelen tijde zijne ofte huere penningen wederomme te moghen beleggen. Ende ten eijnde ande jaerlix betalinghe vande voirsz. rente opten voirsz. verschijndach ofte vuyterlick binnen zesse weecken daer nae gheen gebreecken valle, hebben gelast ende geordonneert, lasten ende ordonneren bij desen onsen brieve onsen rentmeester van Naeltwijck Willem van der Houff die nu es ende namaels weesen zal die voirsz. rente jaerlicx ten voirsz. verschijndaege ofte binnen zesse weecken ten lancxsten daer nae te betaelen sonder andere oft voerdere ordonnantie oft last van ons oft onsen erven ende nacomelingen te verwachten. Ende tot dijen eijnde hebben overgegeven ende gheven over mits desen dat bij gebreecke van betalinghe die sommatie die an onsen rentmeester die nu es ende inder tijt weesen zal, gedaen zal wordden strecken sal in rechte ende daer buijten oft die an onsen propren persooene gedaen waere, omme bij gebreecke van betalinghe te moghen procederen tot vuytwinninghe vande voirsz. goeden hier onder specialick ende generalick voor de voirsz. rente verbonden ende gehijpoteecqueert, sonder dat wij onse erven oft nacomelingen ons sullen moghen behelpen mit exceptie van verjaertheit oft enighe andere exceptie, omme tgunt dat voirsz. es te beletten ofte te verachten. Ende wij constituenten voirsz. bekennen mits desen onsen brieve voirsz. voer ons, onsen erven ende nacomelingen vande voirsz. acht hondert carolus guldens ten prijse voirsz. over die coop vande voirsz. rente geheel ende al wel vernoucht ende betaelt te wezen, den lesten penninck mitten eersten. Renunchierende dexceptie non numerate pecunie vanden effecte vandier wel onderrecht zijnde. Ende schelden daer of quicte heeren Guillian Zeeghers voirsz. ende allen anderen quijtscedinghe behoevende. Ende omme den selven heere Guillian Zeeghers wel van der voirsz. rente ende jaerlix betalinge vandier te verzeecken, soe hebben wij voer ons onsen erven ende nacomelingen specialick daer voer veronderpant, verbonden ende gehijpoteecqueert, veronderpanden, verbinden ende hijpoteecqueren mits desen onsen openen brieven onse landen gelegghen in Naeldwijck: Eerst een parceel van achtendertich marghen, belent oost Dirrick van Duvenvoorde, zuijt die Kercwech, west die nijewech ende noort die heeren van Sint Jans tot Haerlem. Item noch een parceel van vijftien marghen, belent oost thuijs te Honsel, zuijt den Dijcwech, west een banwateringe ende noert Jan Ziers zoen met bruijcwae. Item noch vijftien marghen vier hont ende wordden gebruijct bij Heijman Adriaens zoen. Item noch een parceel lants van twintich marghen ende wordden ghebruijct bij Pieter Jacobsz. Topstal. Item noch zesse marghen ende wordden gebruijct bij Joorijs Duesz. Item noch ontrent neghen marghen ende wordden gebruijct bij Cornelis Geritsz. Topstal. Welcke voirsz. vier parceelen leggen aen malcanderen ende zijn belent oost die heerwech, zuijt tcapittel tot Naeltwijck, west Heijman Ariaens zoen woninge ende noort die Reguliers tsGravezande. Mitsgaders noch zeeckere parceelen van landen gelegghen onder Wateringhe hier navolghende: In den eersten elf marghen ende een halve ende wordden gebruijct bij Arent Philipsz. Welck lant gelegen is aen drie partien, daer af een parceel van vier marghen vier hont belent is oost tcapittel tot Naeltwijck, west een wateringe gheheeten die Wollebrant, zuijt Arent Philips zoen met bruijcwae ende noort die heerwech. Die reste is belent oost die Wollebrant, zuijt die Swet, west die proijen ende noort Jacob Pieter zoen. Item noch thien ende een halve marghen ende wordden gebruijct bij Adriaen Claes zoen Quijnshoel, belent zuijt den heerwech, oost, west ende noort Engel Hubrechts zoen. Item noch thien marghen ende wordden gebruijct bij Jan Vercroft, belent zuijt die Zwete wateringe, oost Due Duesz. met bruijcwae, noort den wech ende west Bruijn Foeck tUijtrecht. Item noch twalf ende een halve marghen ende wordden gebruijct bij Hubrecht Willems zoen, belent noort die heerwech, zuijt die Swet, west Jan Ariens zoen met bruijcwae ende oost



Marijngen Jan Gillis zoen weduwe. Item noch neghen marghe oft daer ontrent ende wordden gebruijct bij Due Duesz. Welck lant leijt ghemeen mette vicarie van Sinte Nicolas outaer, belent noort den wech, zuijt die Swet, oost die selve vicarie ende west die heere van Naeltwijck. Item noch thien marghen ende wordden gebruijct bij Arent Jansz. Tap, belent oost die Monicken laen, zuijt die wech, noort tconvent aldaer ende west Katherijne Jacob Cornelisz. weduwe met meester Jacob de Jonge. Ende want naer die ordonnantie van zijne voorsz. majesteijt gemaect ende gecondicht inden jaere 1500 ende 29 men gheen eigghen goet vercoopen, vervreemden, belast noch verbinden en mach dan voordien schout ende gerechte daer onder die gelegen zijn ende sorteren, soe hebben wij machtich gemaect ende maecken machtich mits dezen Willem van der Houff rentmeester van onsen goeden geleghen in Hollant, Cornelis van Haeften ende Joest Jacobsz. procureurs inden Hove van Hollant ende elcx van hen bijsunder omme vuijt onsen name ende van onsen wegghen te compareren voer schout ende schepenen van Naeltwijck ende Wateringhe voirsz. ende aldaer te verlijden ende te passeren tgeheel inhouden van deze constitutie brieff mette voerwaarden daerinne begrepen ende onse landen voer henluijden daer voer wettelijcken te verbinden, veronderpanden ende te hijpoteecqueren. Ende oft hier namaels tot enighe tijt die selve onse eigghen landen bevonden wordden nijet goet genouch off souffissant voerde voorsz. jaerlix rente, soe hebben wij voer ons onsen erven ende nacomelingen generalijcken in subsidie vandien verbonden, veronderpant ende gehijpoteecqueert, verbinden, veronderpanden ende hijpoteecqueren mits desen alle onse andere goeden, leen ende eigghen die wij jegenwoirdelick hebben ende namaels vercrighen zullen moghen, gheene vuijtgesondert, waer die gestaen of gelegen moghen zijn. Ende wij gheven onsen voirscreven procureurs ende elcx van hen bijsunder oeck speciael macht ende sonderlinghe bevel te compareren van onsen wegghen voerden Hove van Hollant voirsz. ende ons aldaer voer onsen erven ende nacomelingen int geheel inhouden van deze constitutie te laeten condempneren ende onse voirsz. geijpotekeerde goeden daer voer te laeten verclaeren executabel. Belovende goet, vast gestadich ende van waerde te houden alle tgunt dat bij onsen voirsz. procureurs ende elcx van in dezen van onsen wegghen gedaen gevordert ende gehantplicht zal wordden. In kennisse der waerheijt hebben wij Johan van Lingue grave van Arenberghe vrijheer van Barbanson etc. ende Margriete gravinne vanden Marck ende Arenberghe voirsz. etc. desen onsen openen brieff onder de ploije geteeckent ende met onse vuijthangende zegelen bezegelt opten lesten aprilis anno 1500 een en vijftich.

Folio 147 t/m 150 d.d. 12-05-1551.

Brieven van verbant ende ijpoteecke gepasseert voer schout ende scepenen van Naeltwijck ende Wateringe voirsz. dienende opten voirsz. rentebrieff ende dat tot verzeekerheijt vande voirsz. heeren Guillain Zeeghers riddere heere van Wassenhoven etc. zijnen erven ende nacomelingen.

Wij Anthonis Claesz. ende Joorijs Duesz. scepenen van Naeltwijck ende wij Heijman Adriaens zoen ende Adriaen Sijmon zoen scepenen der hoogher heerlicheijt van Honselaersdijck ende wij (Cornelis) Cornelis Cornelisz. ende Aernt Jaspers zoen schepenen van Wateringhen doen condit allen luijden dat voer ons ghecompareert ende ghecome is Willem van der Houff rentmeester van wegghen heeren Johan van Lingue grave van Arenberghe heere tot Barbanson, tot Mirwaert, Eggermont, Naeltwijck, erfmaerscalck van Hollant etc. specialijcken ende volcomelijcken daertoe gemachtich zijn, blijckende bijde procuratie daer desen onsen brieff deursteecken es. Ende heeft vuijt crachte als voeren bekent vuijten name vanden voirsz. grave van Arenberghe ende Margriete gravinnen van der Marcke ende van Arenberghe zijnder gesellinne voer haer hoeren erven ende nacomelingen wel ende wettelijcken vercocht te hebben ende vercoopen mist dezen heeren Guillain Zeeghers heere van Wassenhoven, Arensberghe etc. ridder raedt ordinarij des keijzers ons genadichs heeren in Hollant zijnen erven ende nacomelingen een jaerlix ewighe ende erfflijcke losrente van vijftich gouden carolus guldens tsiaers tot twintich stuvers stuck. Die welcke allen jaers versciijnen zal den eersten maij, waer off teerste jaer ofte termijn vervallen ofte versciijnen zal wezen, den eersten mei als men scriven zal vijftien hondert ende tweende vijftich ende soe voerts van jaere tot jaere toe ende zoe langhe die voirsz. grave ende gravinne hoeren erven ende nacomelingen die selve renten ofgelost ende gequijten zullen hebben, twelck zij tot allen tijden zullen moghen doene, mits betalende den voirsz. heere van Wassenhoven zijnen erven ende nacomelingen teffens ende tot eenen male die somme van acht hondert der voirsz. carolus, goet van goude ende zwaer van gewicht ofte die waerde vandien in anderen goeden gevalueerden ghelde naer vuijtwijsinghe die laeste valuatie van wegghen zijnder majesteijt alomme inne desen zijnder Nederlanden gecondicht metten verlopen ende verscheenen renten naer advenant van den tijt. Welverstaende dat zoe wanneer die voirsz. grave



ende gravinne hoeren erven ende nacomelinghen die selve lossinghe zullen willen doen, zij gehouden zullen zijn den voirsz. heere van Wassenhoven, zijnen erven ende nacomelinghen tzelve een halff jaer te vooren up te seggen ende te denunchieren. Ende naede denunchiatie die voirsz. rente zoe langhe cours ende loop te laeten hebben omme bij middelen van tijden zijne ofte huere penninghen weder omme te mogen beleggen. Ende heeft voirts die voirn. noch voer ons bekent vande voirsz. coop ende constitutie vande voirsz. acht hondert carolus guldens prijse voorsz. wel voldaan ende betaelt ende te wezen, den lesten penninck mitten eersten. Renunchierende dexeptie non numerate pecunie van den effecte van dijen wel onderrecht zijnde. Ende schelde daer aff quijte den voirn. heere van Wassenhoven ende allen anderen quijtscedinghe behoevende. Ende omme den voirn. heere van Wassenhoven wel te verzeeckeren heeft die voirsz. grave ende gravinne hem gestelt tot eenen onderpande ende hijpoteecque dese volgende parceelen: Eerst een parceel van acht ende dertich marghen lants, belent oost Dirrick van Duvenvoorde, zuijt die Kerckewech, west die niewech, noort die heeren van Sint Jans Haerlem ende es geleghen in Naeldwijck. Item noch een parceel van vijfthien marghen lants inden selven ambacht, belent oost thuijs te Honsel, zuijt die Dijcwech, west een banwateringhe ende noord Jan Ziers zoen met bruijcwaer. Item noch vijfthien marghen vier hont geleghen in Upstal ende wordden gebruijct bij Heijmen Adriaens zoen. Noch een parceel van twintich marghen ende worden gebruijct bij Pieter Jacobs zoen tOpstal. Noch zes marghen ende wordden gebruijct bij Joorijs Duesz. Noch ontrent neghen marghen ende wordden gebruijct bij Cornelis Gerits zoen tOpstal. Welcke voirsz. parceelen leggen aen malcanderen ende zijn belent oost die heerwech, zuijt tcapittel van Naeldwijck, west Heijmen Adriaensz. woninghe, noort die Regulieren tsGravezande. Noch elf marghen ende een halve ghelegghen onder Wateringhe ende wordden gebruijct bij Aernt Philips zoen, gelegghen aen drie partijen daer af een parceel van vier marghen vier hont belent is oost tcapittel tot Naeldwijck, west een wateringhe ghenoecht die Wollebrant, zuijt Aernt Philips zoen met bruijcwaer ende noort die heerwech. Die reste is belent oost die Wollebrant, zuijt die Swet, west die proijen ende noort Jacob Pieters zoen. Noch thien ende een halve marghen ende wordden gebruijct bij Arien Claesz. Quinshoel, belent die heeren wech, oost, west ende noort Engel Hubrechts zoen. Noch thien marghen wordden gebruijct bij Jan Vercroft, belent zuijt die Swet, oost Due Duesz., noort den wech, west Bruijn Foeck tUijtrecht. Noch twalf ende een half marghen ende wordden gebruijct bij Hubrecht Willems zoen, belent noort die heerwech, zuijt die Swet, west Jan Adriaens zoen met bruijcwaer, oost Marijtgen Jan Gillis zoen weduwe. Noch ontrent neghen morghen ende wordden gebruijct bij Due Duesz., gemeen met een vicarie van Sinte Nicolas outaer, belent noort die wech, zuijt die Swet, oost die selve vicarie, west die heer van Naeldwijck. Noch thien marghen ende wordden gebruijct bij Aernt Tap, belent die Monicken laen, zuijt die wech, noort tconvent aldaer, west Katherijne Jacob Cornelisz. wedue met meester Jacob de Jonge. Ende oft hier namaels tot enighe tijt bevonden werdde deze eijgen voirsz. landen nijet goet genoeg ofte souffissant voerde voersz. jaerlix rente, zoe hebben die voirsz. grave ende gravinne voer hoer, hoeren erven ende nacomelinghen qualijcken in subsidien verbonden, veronderpant ende gehijpoteeckeert allen anderen goeden, leen ende eijghen die zij tegenwoirdelicken hebben ende namaels vercrighen zullen moghen, gheen vuytgesondert ende waer die gelegen moghen zijn. Voerts al na inhouden ende vermelden haeren constitutionen brieff daer desen onsen brief doersteecken ende getransfixeert es. Alle dinc sonder arch ofte list. In kennisse der waerheijt hebben wij Anthonis Claesz. ende Joorijs Duesz. scepenen van Naeldwijck alsoe wij zelfs gheen zeghel en gebruijcken gebeden meester Jan van Heuckesloet bailliu ende schout van Naeldwijck deze over ons te besegelen. Ende wij Heijmen Adriaen zoen ende Adriaen Sijmon zoen scepenen der hoogher heerlicheijt van Honselaersdijck hebben onsen gemeen scepen zeghel hier onder gehanghen ende wij Cornelis Cornelisz. ende Aernt Jaspers zoen scepenen van Wateringhe hebben gebeden Pieter Gerits zoen schout tot Wateringhe omme deze over ons mede te besegelen. Actum op den 12^e meije anno 1500 een ende vijftich.

Folio 150v. t/m 151v. d.d. 17-06-1551.

Copie autentique van zeeckere willighe condempnatie gepasseert voerden Hove van Hollant bijden grave ende gravinne van Arenberge voirsz. dienende opde voirsz. brieven van constitutie hier vooren geïncorporeert. Ende dat tot prouffite vanden voirsz. heeren Guillain Zeeghers ridder heere van Wassenhoven etc.

Opten dach van huijden compareerde voerden Hove van Hollant Cornelis van Haeften Harpert zoen procureur postulerende voerden zelfden hove ende volghende zijn speciale procuratie geïnsereert inde principaele brieven van constitutie van daete den lesten aprilis lestleden, doer de welcke deze onse acte getransfixeert besegelt is, verclaerde dat heeren Johan van Lingue grave van Arenberghe



etc. ende vrouwe Margriete van der Marck gravinne van Arenberghe voirsz. vercocht hadden heeren Guillam Zeeghers heere van Wassenhoven, Arentsberghe ridder raedt ordinaris inden voirsz. Hove een jaerlixte rente van vijftich gouden carolus gulden tsiaers tot twintich stuvers tstuck, breeder blickende bij de voirsz. brieven houdende speciale ende generale hijpoteecque. Ende versochte de voirsz. comparant int geheel inhouden vande voirsz. brieven gecondempneert te wesen. Ende de gehijpoteecqueerde landen ende goeden verclaert te hebben voer de jaerlixte rente ende de hoofdsomme van dien executabel. Gehoort welck versouck heeft tvoirsz. Hoff den voersz. comparant inder qualiteit als voeren gecondempneert ende condempneert hen tzelve Hoff mits desen int geheele inhouden vande voirsz. brieven in daete als voeren, verclarende alle de gehijpotekeerde landen ende goeden executabel voerde jaerlixte rente ende de hoofdsomme vandien. Welcke condempnatie die voirsz. heere Guillam Zeeghers heere van Wassenhove etc. present zijnde, accepteerde. Gedaen inden Haghe den 17^e junij anno 1500 een en vijftich bij heeren Gerardt heere van Assendelft, etc. ridder eerste raedt presiderende, meester Arnout Sasbout heer Willem Snouckaert oeck ridder, meesters Charles van der Nijtsen, Anthonis van Cath ende Dominicus Boot raetsluijden van Hollant. Toorconde tsegel van justitie hier an gehanghen. In kennisse van mij J. Dam.

Folio 152 t/m 156v. d.d. 30-04-1551.

Copie ofte chirographe van zeeckeren rentebrieff van veertich carolus gulden tsiaers, vercocht bijden eedelen ende waelgeboren heere die grave van Arenberghe, vrijheer tot Barbanson etc., heeren Guillain Zeeghers heere van Wassenhoven etc. raedt ordinaris inden Hove van Hollandt specialick geijpoteeckert op zeeckere landen gelegen in Naeltwijck ende Wateringe den voirsz. grave toebehoorende, breder blickende bij de brieven hier nae volghende.

Wij Johan van Lingue grave van Arenberghe vrijheere tot Barbanson, heere tot Buisiere, Egghermont, Walscheren Werburch, Mirwart, Loenhout, Empel, Naeltwijck etc. ende Margriet gravinne vander Marck ende Arenberghe voirsz. etc. doen condit allen luden dat wij om die meeste schaede mette minste te scouwen wel ende wettelijcken vercocht hebben ende vercoopen mits desen onsen openen brieve heeren Guillain Zeeghers heere van Wassenhove, Arentsberghe etc. ridder raedt ordinaris des keijzers ons genadichs heeren in Hollant zijnen erven ende nacominghen oft actie van hem hebbende eene jaerlixte ewighe ende erfelijcke rente van veertich gouden carolus guldenen tiaers tot twintich stuvers tstuck munte der keijserlijcke majesteijt voisz. Nu ter tijt loop hebbende oft die gerechte waerde van dien in anderen goeden gevalueerden ende gancbaeren ghelde voert aen te gheldene ende te betalene tzijne huijse binnen den Haghe, sonder des voirsz. heeren Guillain Zeeghers ofte zijnen erven ofte nacomingen cost, vrij van allen impositien, verpondingen, contributien, beden ofte andere ongelden, hoedanich die wezen moghen die daer op commen mochten, alle jaers den eersten maij, daer off het eerste jaer ommegecommen ende verscheenen zal wezen den eersten maij anno tweenvijftich ende alsoe voerts van jaere tot jaere ter toe ende alzo langhe tot dat wij onse erven oft nacominghen die selve rente ofgeleijt ende gequeten zullen hebben. Mits opleggende teffens ende tenemale zes hondert ende veertich der voirsz. carolus goet van goude ende swaer van gewichte oft die waerde vandien in anderen goeden gevalueerden ghelde naer vuytwijzen die leste valuatie van wegghen zijnder majesteijt alomme in dezen zijnen Nederlanden gecondicht metten verlopen ende verscheenen renten naer advenant van den tijt welverstaende daer soe wanneer wij oft onse erven ende nacominghen die selve lossinghe zullen willen doen, wij oft zij gehouden sullen zijn den voirsz. heeren Guillam Zeeghers zijnen erven ende nacominghen oft actie van hem hebbende dat een halff jaer te voeren op te seggen ende te denonchieren. Ende nae die denontiatie die voirsz. rente zoe lange cours off loop te laeten hebben omme binnen middeler tijde zijne ofte huere penningen wederomme te moghen beleggen. Ende ten eijnde ande jaerlixte betalinge vande voirsz. rente opten voirsz. versciyndach ofte vuyterlick binnen zesse weecken daer nae gheen gebreeken valle hebben gelast ende geordonneert, lasten ende ordonneren bij dezen onsen brieve, onse rentmeester van Naeltwijck Willem van der Houff die nu es ende naemaels weesen zal die voirsz. rente jaerlicx ten voirsz. verschijndaeghe ofte binnen zesse weecken ten lancxsten daer nae te betaelen sonder andere oft voerdere ordonnantie oft last van ons oft onsen erven ende nacominghen te verwachten. Ende tot dijen eijnde hebben overgegeven ende gheven over, mits desen dat bij gebreecke van betalinghe die sommatie die an onsen rentmeester die nu es ende inder tijt weesen zal gedaen zal wordden streecken zal in rechte ende daer buijten oft die an onsen propren persoene gedaen waere omme bij gebreecke van betalinghe te moghen prodederen tot vuytwinninghe vande voirsz. goeden hier onder specialick ende generalick voerde voirsz. rente



verbonden ende gehijpoteecqueert sonder dat wij onse erven oft nacomelingen ons zullen moghen behelpen mit exceptie van verjaertheit oft enighe andere exceptie omme tgunt dat voirsz. es te beletten ofte te verachten. Ende wij constituenten voirsz. bekennen mits dezen onsen brieve voersz. voer ons onsen erven ende nacomelingen vande voirsz. zes hondert ende veertich carolus guldens ten prijse voirsz. over die coop vande voirsz. rente geheel ende al wel vernoucht ende betaelt te wezen, den lesten penninck metten eersten. Renunchierende dexceptie non minurate pecume vanden effecte vandien wel ondrrecht zijnde ende schelden daer of quicte heeren Guillam Zeeghers voirsz. ende allen anderen quijtscedinge behoevende. Ende omme den selven heeren Guillam Zeeghers wel vande voirsz. rente ende jaerlixen betalinghe vandien te verzeekeren zoe hebben wij voer ons onsen erven ende nacomelingen specialijcken daer voer veronderpant, verbonden ende gehijpoteecqueert, veronderpanden, verbinden ende hijpoteecqueren mits desen onsen openen brieve onse landen geleghen in Naeldwijck: Eerst een pardeel van acht en dertich marghen, belent oost Dirrick van Duvenvoorde, zuijt die Kercwech, west die nijewech ende noort die heeren van Sint Jans tot Haerlem. Item noch een pardeel van vijftien marghen, belent oost thuijs te Honsel, zuijt den Dijwech, west een ban wateringhe ende noort Jan Zierz. met bruijckwaer. Item noch vijftien marghen vier hont ende wordden gebruijct bij Heijman Adriaensz. Item noch een pardeel lants van twintich marghen ende wordden gebruijct bij Pieter Jacobs zoen tOpstal. Item noch zesse marghen ende wordden gebruijct bij Joorijs Duesz. Item noch ontrent neghen marghen ende wordden gebruijct bij Cornelis Geritsz. Topstal. Welcke voirsz. vier parceelen leggen aen malcanderen ende zijn belent west Heijman Ariaensz. woninge ende noort die Reguliers tsGravezande. Mitsgaders noch zeeckere parceelen van landen geleghen onder Wateringhe hier navolgende: Inden eersten elf marghe ende een halve ende wordden gebruijct bij Arent Philipsz. Welck lant geleghen is aen drie partijen daere af een pardeel vier marghen vier hont belent is oost 't capittel tot Naeltwijck west een Wateringe geheeten die Wollebrant zuijt Arent Philips zoen met bruijckwaer ende noort die heerwech. Die rest is belent oost die Wollebrant, zuijt die Swet, west die proijen ende noort Jacob Pieters zoen. Item noch thien ende een halve marghen ende wordden gebruijct bij Adriaen Claesz. Quijnshoel, belent zuijt die heerwech, oost, west ende noort Engel Hubrechts zoen. Item noch thien marghen ende wordden gebruijct bij Jan Vercroft, belent zuijt die Zwet wateringhe oost Due Duesz. met bruijckwaer, noert den wech ende west Bruijn Foeck tUijtrecht. Item noch twalf ende een halve marghen ende wordden gebruijct bij Hubrecht Willems zoen, belent noort die heerwech, zuijt die Swet, west Jan Ariaensz. met bruijckwaer ende oost Marijgen Jan Gillisz. weduwe. Item noch neghen marghen oft daer ontrent ende wordden gebruijct bij Due Duesz. Welck lant leijt gemeen mette vicarie van Sinte Nicolas outaer, belent noort den wech, zuijt die Swet, oost die selve vicarie ende west die heere van Naeldwijck. Item noch thien marghen ende wordden gebruijct bij Arent Jansz. Tap, belent oost die Monicken laen, zuijt die wech, noort tconvent aldaer ende west Katherine Jacob Cornelisz. weduwe met meester Jacob die Jonge. Ende want nae die ordonnantie van zijne voirsz. majesteijt gemaect ende gecondicht inden jaere 1529 men gheen eijgen goet vercoopen, vervreemden, belasten noch verbinden en mach dan voerden schout ende gerechte daer onder die geleghen zijn ende sorteren. Soe hebben wij machtich gemaect ende maecken machtich mits desen Willem van den Houff onsen rentmeester van onsen goeden gelegen in Hollant, Cornelis van Haeften ende Joost Jacobs zoen procureurs inden Hove van Hollant ende elcx van hen bijsunder, omme vuyt onsen name ende van onsen wegghen te compareren voer schout ende scepenen van Naeltwijck ende Wateringe voirsz. ende aldaer te verlijden ende te passeren tgeheel inhouden van deze constitutie brieff mette voerwaarden daerinne begrepen ende onse landen voer henlijden daer voer wettelijcken te verbinden, veronderpanden en hijpoteecqueren. Ende oft hiernaemaels tot enighe tijt die selve onse eijgen landen bevonden wordden nijet goet genouch oft souffissant voerde voirsz. jaerlixen rente. Soe hebben wij voer ons onsen erven ende nacomelingen generalijcken in subsidie vandien verbonden, veronderpant ende gehijpoteecqueert, verbinden, veronderpanden ende hijpoteecqueren mits desen alle onse andere goeden, leen ende eijghen die wij tegenwoirdelick hebben ende namael vercrijghen zullen moghen gheen vuytgesondert, waer die gestaen oft gelegen moghen zijn. Ende wij ghenen onsen voirsz. procureurs ende elcx van hen bijsunder oeck speciael macht ende sonderlinge bevel te compareren van onsen wegghen voerden Hove van Hollandt voirsz. ende ons aldaer voer onsen erven ende nacomelingen int geheel inhouden van deze constitutie te laeten condempneren ende onse voirsz. gehijpoteecqueerde goeden daer voer te laeten verclaeren executie. Belovende goed vast gestadich ende van waerde te houden alle tgunt dat bij onsen voirsz. procureur ende elcx van hen in desen van onsen wegghen gedaen, gevordert ende gehantplicht zal wordden. In kennisse der waerheit zoe hebben wij Johan van Lingue



grave van Arenberghe, vrijheere van Barbanson etc. ende Margriete gravinne vanden Marck ende Arenberghe voirsz. etc. desen onsen openen brieff onder de ploije geteeckent ende met onse vuythanghende zegel besegelt opten lesten aprilis anno 1500 eenenvijftich. Onder de ploije vanden voirsz. brieff stont gescreven Johan van Linque, Margriete van der Marck.

Folio 157 t/m 160 d.d. 12-05-1551.

Brieven van verbant ende ijpoteeck gepasseert voer schout ende scepenen Naeltwijck ende Wateringe voirsz. dienende opten voirsz. rentebrieff ende dat tot verzeeckerheijt van voirsz. heeren Guillam Zeeghers riddere heere van Wassenhove etc. zijnen erven ende nacomelingen.

Wij Anthonis Claesz. ende Joorijs Duesz. scepenen van Naeltwijck ende wij Heijmen Ariensz. Ende Adrien Sijmonsz. scepenen der hoogher heerlicheijt van Honsholredijck ende wij Cornelis Cornelisz. ende Arent Jaspersz. scepenen van Wateringen doen condit allen luijden dat voer ons ghecomen ende gecompereert es Wilhem van Houff rentmeester van wegghen heeren Johan van Lingue grave van Arenberghe, heere tot Barbanson, tot Mirwart, Egghermont, Naeltwijck, erfmaerscalck van Hollant etc. specialijcken ende volcomelick daertoe gemachticht zijnde, blijckende bij de procuratie daer desen onsen brief deursteecken es ende heeft vuyt crachte als voeren bekent vuyten name vanden voirsz. grave van Arenberghe ende Margriete gravinne van der Marck ende van Arenberghe zijnder geselende voer haer hoeren erven ende nacomelingen, wel ende wettelijcken vercocht te hebben ende vercoopt mits dezen heeren Guillain Zeeghers heere van Wassenhoven, Arentsberghe etc. ridder raedt ordinaris des keijzers ons genadichs heeren in Hollant, zijnen erven ende nacomelingen een jaerlix ewighe ende erflicke losrente van veertich gouden carolus guldenen tsiaers tot twintich stuvers tstuck die welcke allen jaers verscinen zal den eersten maije waer af teerste jaer ofte termijn gevallen ofte verscenen zal wezen den eersten maije als men scriven sal 1500 twee ende vijftich ende zoe voerts van jaere tot jaere toe ende soe langhe die voirsz. grave ende gravinne hoeren erven ende nacomelingen die selve renten afgelost ende gequeten zullen hebben twelck zij tot allen tijden zullen moegen doene, mits betalende den voirsz. heere van Wassenhoven zijnen erven ende nacomelingen teffens ende tot eenen male die somme van zes hondert en veertich der voirsz. carolus, goet van goude ende zwaer van gewichte oft die waerde vandien in anderen goeden gevalueerden ghelde naer vuytwijsinghe die laeste valuatie van wegghen zijnder majesteijt alomme inne desen zijnder Nederlanden gecondicht metten verlopen ende verscenen renten naer advenant van den tijt. Welverstaende dat zoe wanneer die voirsz. grave ende gravinne hoeren erven ende nacomelinghen die selve lossinghe zullen willen doen, zij gehouden zullen zijn den voirsz. heere van Wassenhoven zijnen erven ende nacomelingen tselve een halff jaer te voeren op te seggen ende te denouchieren. Ende naede denotatie die voirsz. rente zoe lange cours ende loop te laeten hebben omme bij middelen van tijden zijne ofte hoere penningen wederomme te moghen beleggen. Ende heeft voirts die voirn. noch voer ons bekent vande voirsz. coop ende constitutie vande voirsz. zes hondert veertich carolus gulden prijse voirsz. wel voldaan ende betaelt te wesene, den lesten penning metten eersten. Renunchierende dexceptie nin numerate pecume vande effecte van dien wel onderrecht zijnde ende schelde daer aff quicte den voirn. heere van Wassenhove ende allen anderen quijtscheldinge behoevende. Ende omme den voirn. heere van Wassenhove wel te verzeekeren heeft die voirsz. grave ende gravinne hem gestelt tot eenen onderpande ende ijpoteeque deze volgende parceelen: Eerst een parceel van acht ende dertich marghen lants, belent oost Dirrick van Duvevoorde zuijt die Kerckwech, west die nieuwech, noort die heere van Sint Jans Haerlem ende es gelegen in Naeltwijck. Item noch een parceel van vijftien marghen lants inden zelfden ambocht, belent oost thuijs te Honsel, zuijt die Dijkwech, west een ban wateringe ende noorden Jan Ziersz. met bruijckwaer. Item noch vijftien merghen vier hont gelegen in Upstal ende worden gebruijct bij Heijman Ariensz. Noch een parceel van twintich marghen ende wordden gebruijct bij Peter Jacobsz. Topstal. Noch zes marghen ende wordden gebruijct bij Joorijs Duesz. Noch ontrent neghen marghen ende wordden gebruijct bij Cornelis Geritsz. Topstal. Welcke voerscreven parcellen leggen aen malcanderen ende zijn belent oost die heerwech, zuijt tcapittel tot Naeldwijck, west Heijmen Adriensz. woninghe, noort die Reguliers tsGravesande. Noch elf marghen ende een halve gelegen onder Wateringe ende wordden gebruijct bij Arent Philipsz., gelegen aen drie partijen daer af een parceel van vier marghen vier hont belent es oost tcapittel tot Naeldwijck, west een wateringe ghenoeemt die Wollebrant, zuijt Arent Philipsz. met bruijckwaer ende noort die heerwech. Die reste es belent oost die Wollebant, zuijt die Swet, west die proeijen ende noort Jacob Pietersz. Noch thien ende een halff marghen ende wordden gebruijct bij Arent Claesz. Quinshoel, belent zuijt die heerwech, oost, west ende noort Engel Hubrechtsz. Noch thien marghen ende wordden gebruijct bij Jan Vercroft, belent



zuijt die Swet, oost Due Duesz., noort den wech, west Bruijn Foeck tUijtrecht. Noch twalf ende een halff margen ende wordden gebruijct bij Hubrecht Willems zoen, belent noort die heerwech, zuijt die Swet, west Jan Ariensz. met bruijcwaer, oost Maritgen Jan Gillisz. weduwe. Noch ontrent negen marghen ende wordden gebruijct bij Dirc Duesz. Ende leijt gemeen met een vicarie van Sint Niclaes outaer, belent noort die wech, zuijt die Swet, oost die selve vicarie, west die heeren van Naeldwijck. Noch thien margen ende wordden gebruijct bij Arent Tap, belent oost die Monicken laen, zuijt die wech, tnoort tconvent aldaer, west Catherine Jacob Cornelisz. weduwe met Mr. Jacob de Jonge. Ende oft hier namaels tot enighe tijt bevonden wordde deze eijgen voirsz. landen nijet goet genouch ofte souffissant voerde voirsz. jaerlixte rente, zoe hebben die voirsz. grave ende gravinne voer hoer, hoeren erven ende nacomelingen generalijcken in subsidie vandien verbonden, veronderpant ende gehijpotequeert allen haeren anderen goeden, leen ende eijgen die zij tegenwoirlijcken hebben ende namaels vercrijgen sullen moghen, geen vuitgesondert ende waer die gelegen mogen zijn. Voerts al naer inhouden ende vermelden haeren constitutie brieff daer dezen onsen brieff deursteecken ende getransfixeert es. Alle dinck sonder arch ofte list. In kennisse der waerheijt hebben wij Anthonis Claesz. ende Joorijs Duesz. scepenen van Naeldwijck alsoe wij zelfs gheen zegel en gebruijcken, gebeden meester Jan Heuckesloet bailliu ende scout van Naeldwijck, dese over ons te besegelen ende wij Heijmen Ariensz. ende Arien Simonsz. scepenen der hoogen heerlicheijt van Honsholredijck hebben onsen gemeen schepen zegel hier onder aen gehangen ende wij Cornelis Cornelis zoen ende Arent Jaspersz. scepenen van Wateringe hebben gebeden Peter Gerijtsz. schout tot Wateringe omme over ons mede te besegelen. Actum opten 12^e meije anno 1500 een ende vijftich.

Folio 160v. t/m 161v. d.d. 17-06-1551.

Copie auctenticque van zeeckere willighe condempnatie voerden Hove van Hollandt bijden graven ende gravinne van Arenberge voirsz. dienende opde voirsz. brieven van constitutie hier vooren geïncorporeert ende dat tot prouffite vanden voirsz. heeren Guillam Zeeghers ridder heer van Wassenhove etc.

Opten dach van huijden compareerde voir den Hove van Hollandt Cornelis van Haeften Harperts zoen procureur postulerende voer den zelfden Hove ende volgende zijn speciale procuratie geïnsereert inde principaele brieven van constitutie van daete den lesten aprilis lestleden doer de welcke dese onse acte getransfixeert besegelt is, verclaerende dat heeren Johan van Linque grave van Arenberghe etc. ende vrouwe Margriete van der Marck gravinne van Arenberghe voirsz. vercocht hadden heeren Guillam Zeeghers heere van Wassenhoven, Arentsberge etc. ridder raet ordinari indén voirsz. Hoven, een jaerlijxe rente van veertich gouden carolus guldenen tsiaers tot twintich stuvers tstuck, breeder blijkende bijde voirscreven brieven, houdende speciale ende generale hijpoteecque. Ende versochte de voirsz. comparant int geheele inhouden van de voirsz. comparant int geheele inhouden vande voirsz. brieven gecompdempneert te weezen ende de gehijpoteecqueerde landen ende ghoeden verclaert te hebben voerde jaerlixte rente ende de hoofdsomme van dien executabel. Gehoort welck versouck heeft tvoirsz. Hoff den voirsz. comparant inder qualiteijt als voeren gecondempneert ende condempneert hem tzelve Hoff mits desen int geheele inhouden vande voirsz. brieven in daete alsboven, verclarende alle de gehijpoteecqueerde landen ende goeden executabel voer de jaerlixte rente ende de hoofdsomme vandien. Welcke condempnatie de voirsz. heere Guillam Zeeghers heere van Wassenhoven etc. present zijnde accepteerde. Gedaen inden Haghe den 17^e junij anno 1500 een en vijftich. Bij heeren Gerardt heere van Assendelft, Eemskerck etc. ridder eerste raidt presiderende, meester Arnoult Zabout, heer Willem Snouckaert ridder, meesters Charles van der Nijdtsen, Anthonis Catz ende Dominicus Boot raetsluijden van Hollandt. Toorconde tsegele van justitie hier an gehangen. In kennisse van mij.

